





993



Pol. 8-II-304-306

Knoxbury



HERB
TERRESTRE
NOBILITATIS
PRUSSIÆ
CORRECTUM.

EDITIO PRIORIBUS MULTO CORRECTIOR
AUCTIONEQUE,
ADJECTIS PASSIM
ALLEGATIS EX HERBURTO ET CONSTI-
TUTIONIBUS REGNI.


GEDANI,
LITTERIS JOANNIS JACOBI PREUSSII.

MDCCXXXVI.

1916-1053




2556



Pl. 8. II. 304





Lector Benevole.

Ex quo Jus Terreſtre Nobilitatis Pruſſiæ Correctum, prima poſt incunabula ſua vice, Thorunii Anno 1599. per Andream Cotenium, luci publicæ eſt donatum: iteratis aliquoties vicibus ob utilitatem præſtantiamque ſuam ſingularem tempore poſtero typis ruruſus eſt exſcriptum. Laudanda vero in hoc primo venit loco, opera Danielis Paterſonii, qui Jus hoc, non duabus ſolum vicibus prelo Gedani ſubjecit, nempe Anno 1625. & 1647, ſed verſiones etiam, cum Polonicam, tum Germanicam, illi adjecit. Aſt novum adhuc laudabili huic inſtituto paulo poſt acceſſit augmentum, dum idem hic labor una cum Privilegiis ſic dictis Municipalibus, Anno 1685. Gedani, prodiit. Tandem denique nuperrimo modo, nempe Anno 1728. omiſſis ſaltem verſionibus antea adjectis, idem hoc Jus Terreſtre, atque ita uti a Majoribus conſcriptum, ac a D. SIGISMUNDO III. Poloniæ Sveciæque Rege, eſt approbatum, ibidem integerrima fide eſt recuſum.

Cum vero editio hæc noviffima, jam ſit diſtracta, ideoque multoties jam nova votis ſit expetita, votis tuis Lector Benevole nunc annuitur, ſextaque jam vice, Jus hoc Terreſtre, impreſſum, tuis traditur uſibus. Ne vero nihil prorſus novi circa novam hanc editionem præ-

stitisse videamur: Scias Lector Benevole Errata in prioribus obvia editionibus, studiose in præsentem esse correctâ.

Adhæc accesserunt etiam insuper huic editioni passim observationes atque adnotationes petitæ, partim ex Herburto, partim ex Constitutionibus Regni, quod non sine ratione factum: cum ævô nostrô, Ordinatio Judiciorum tam Terrestrium quàm Castrensiû aliquatenus immutata, Jusque ipsum angustioribus quòd circumscriptum limitibus multis in locis aliquam indigeat explanationem; ut taceam praxin forensem nonnulla sibi vendicare, quæ solo usu addiscuntur. Inde è re visum editionem præsentem Juris hujus, appositis nonnulli notulis illustrare: quò, antequam Lectorem dimittam, nonnulla de Juris Terrestris origine ac progressu præfabor.

Prussia ut sub Crucigerorum dominiô suis vixit Legibus, ita facta sub D. CASIMIRO Poloniarum Rege deditione easdem sibi servavit: cum verò variæ essent, An. 1476. singulari Diplomate ad solum Jus Culmense reducebantur, Lubecensi, tantum illis relicto, qui ei à suis incunabulis assveverant. Cæteri, sive Equestri Dignitatis, sive ex Civium numero, uni Juri Culmensi obtemperabant; donec neque litibus judicandis sufficere, neque illorum temporum conditioni convenire, videretur, ac omnes antiqui Juris correctionem exposcerent.

Lentè procedebat opus, & Nobilitas, tum quòd moræ impatiens, tum quòd aliam sui, aliam Civitatum rationem esse putabat, peculiare sibi tandem constituendum jus in animum induxit,

Juris

Juris istius necessitatem in Conventu, qui ad corrigendum Jus Culmenſe An. 1558. Mariæburgum indictus erat, evincere conabatur Joannes Dzialinius Palatinus Culmenſis, & ſequentibus annis multum de ordinandis Judiciis Terreſtribus actum. In Poſtcomitiali Conventu Culmæ An. 1580. monebat Præſul Culmenſis dandum hoc Nobilitati, ut peculiari ſibi Jus conſcribat, cum & Civitatibus Plebiſcita concedere, indultum ſit. Cui voto, cum Civitates etiam aſſenſum ſuum, certa ſub conditione, præbuerant, in ſequenti ejusdem anni Congreſſu Neoforenſi, primæ quaſi Juris Terreſtris exhibitæ fuere lineæ, quarum autem examen, quod pauci ex Equeſtri ordine aderant, ad aliud tempus remiſſum,

Multis idcirco eo fine indictis Conventibus, Thorunni tandem An. 1590. opus hocce abſolutum. Varia interea adhuc erant, quæ aut mutari aut addi poſtulabat Equeſtris Ordo. Hinc in Conventu Graudentino dicti modò anni, iterum ad examen idem opus revocatum, cumque ibidem uſque ad ſexageſimum primum articulum ventum eſſet; cætera curæ Ablegatorum Thorunenſis & Gedanenſis Civitatum commiſſa fuerant, qui etiam, ad finiendum ac perficiendum hoc opus, rogati; totum opus in concinniore ordinem redegeſe.

Non tamen horum induſtria omnium deſideriis ſufficiebat; ſed ſperabat Nobilitas An. 1594. Thorunii ultimam huic negotio admovere manum: quod cum laud ſuccederet, Anno 1597. Reinholdo Heidenſteinio

ac Nicolao Niewiscinio injunctum opus tandem illud conficere, confectumque in Generali Conventu Ordinibus trutinandum exhibere. Id anno sequenti in Conventu antecomitiali Mariæburgi contigit, & in Comitibus quæ Conventum hunc excipiebant, Regia hujus Nostri Juris successit Confirmatio; servata tamen Prussis facultate, Jus suum ulterius corrigendi ac augendi; modo correctum, auctumque Sacræ Regiæ Majestatis arbitrio iterum submitteretur, roburque suum inde impetraret.

Anno tandem 1599. eam, quæ hodie conspicitur, Jus Terreſtre formam accepit; titulô: *Jura Terrarum Prussiæ*, quem antea præfixum sibi habuit, in *Jus Terreſtre Nobilitatis*, mutatô, nomenque suum Equeſtris Ordinis D. D. Conſiliariis ac Nuntiis Terreſtribus, unâ cum Thorunensi Præ-Conſule operi adſcribentibus. Quô factô, Succamerarii Culmenſis Mathiæ à Konopat, ac Thorunensis Præ-Conſulis Strobandii curâ, Jus hocce Terreſtre, eôdem annô typis Thorunenſibus in publicum prodiit. Nec hac licet multorum annorum opera, contenta Nobilitas; aliquoties iterum manum operi admoveri, poſtulavit: quôd cum Succellu deſtitueretur, Jus præſens ad Noſtram uſque ætatem, in illo, in quem An. 1599. fuit redactum, ordine, immutatum pervenit.

Et hæc ſunt, quæ Te Benevole Lector de Juris
Correcti origine & progreſſu ſcire volui.

SIGISMUNDUS III.
DEI GRATIA REX POLONIÆ,
MAGNUS DUX LITHUANIÆ, RUS-
SIÆ, PRUSSIÆ, MASOVIÆ, SAMO-
GITIÆ, LIVONIÆQUE &c. NEC NON
SVECORUM, GOTHORUM, VAN-
DALORUMQUE HÆREDI-
TARIUS REX.



Significamus Præsentibus, quibus ex-
pedit, universis, quòd cum Incolæ
Terrarum Prusciæ à D. D. olim
Antecessoribus nostris, & à Nobis
quoque Fura (quibus antehac vigore Privilegii
CASIMIRIANI diversis, iisque secum
pugnantibus, utebantur) corrigendi facultatem im-
petrassent, Eosdem Correcturam ejusmodi super
certis Capitibus (utpote Magistratibus & Judi-
ciis, Successione, Dotium jure, Tutelis, Donati-
onibus, Testamentis, Præscriptionibus, Furis Pro-
cessu, aliisque nonnullis) unanimi omnium voluntate

con-

confectam, in hisce demum Comitibus, Anno 1598.
ad 2. Martii Varssoviæ indictis atque celebratis,
tam Regni, quàm Prussiae Ordinum consensu No-
bis publicè exhibuisse, ac ut Nos quoque eandem
approbare dignaremur, illius Provinciae nomine sup-
plicasse. Quare supplicationi eorum uti justæ an-
nuentes, præfatam Furium Correctionem Regis
nostri, & Comitiorum præsentium autoritate, in
toto approbamus atque confirmamus: utquè secun-
dum Leges in eâ descriptas omnia Equestris Ordini-
nis negotia, in quibuscunquè Judiciorum subselliis,
ubivis tam intra quàm extra Prussiam, posthac
judicentur atquè decidentur, in perpetuum sancimus.
Eo specialiter eidem Prussiae Nobilitati reservato,
ut in posterum etiam Fura ejusmodi ad Praxim
duntaxat Judicialem pertinentia (modo id omnium
arbitrio, atquè in primis nostro cum permissu, fiat)
corrigendi, emendandi, emendatis addendi, vel
etiam immutandi, liberam semper habeant facul-
tatem.

SIGISMUNDUS, REX.

TITU.



TITULUS I, DE SUCCESSIONIBUS.



I.

N quæcunque bona, tam mobilia, quàm immobilia, si Filii supersint, æquis sortibus Filii tantum succedant: (a) masculis deficientibus, Filia.

(a) Statutô VLADISLAI JAGELL. Anno 1423. Filia deficientibus Filiis ad hæreditatem bonorum immobilium admittuntur. Herbutt. fol. 158. antiquiora Statuta Fratribus Patruelibus, ut infra annum ejusmodi hæreditatem paratâ pecuniâ redimere possent, potestatem fecerant; imò ne Filia mortuis aut viventibus Fratribus in hæreditatem succederent vetitum, sed sola dote contentæ essent. vide ibidem fol. 138. tit. Virgo si Fratres &c. & fol. sequ. tit. Virgo a Patre &c.

2. Existentibus autem Filiis, Filia dotem per Parentes, dum in vivis essent, inscriptione, vel exemplô alterius Filia assignatam habebunt. Quæ nisi à Parentibus

B

bus

bus assignata fuerit, per (a) Fratres & duos proximos ex parte Patris, & duos ex parte Matris, duosque Scabinos Terreſtres illius Diſtrictûs, in quo habitabunt, per Judicium Terreſtre electos, intra annum & ſex menſes assignari & constitui debebit. Interim quoad (b) elo-centur, pro conditione ſua honeſtè à Fratribus educen-tur & exhibeantur.

(a) *Idem jubet Conſtit. An. 1588. fol. 461. tit. O Poſazeniu Sioſtr. Dos & provisiones ab ea, per Poſſeſſores bonorum ſine pro-vocatione ad Evictorem ſolvatur. ibidem fol. 467. tit. O Sioſtrach jurevictorum. De ſecuritate dotis vide quæ ſequentur. Art. 7. & 8.*

(b) *De educatione Sororum idem dicit proximè allegata Conſtitutio An. 1588. vide etiam Herb. fol. 139. tit. Virgo a Patre &c. Sine Fratrum aut proximiorum conſenſu Sorores non nubant. Virgo ad raptum ſui conſentiens dotem perdit. Herb. fol. 140. tit. Raptor ſit infamis. Creditores tenentur concedere habitationem decentem Sororibus innuptis Jurevictorum, quorum bona occupârunt. Conſtit. 1588. fol. 467.*

3. Quòd ſi intra annum & ſex menſes, quemadmo-dum ſuprà conſtitutum eſt, Dos assignata illis non fue-rit, portiones ſuas unà cum Fratribus æquo Jure, tam in paternis quam maternis bonis habebunt.

4. Dote autem ita illis assignata, (a) nullum ultrà eam ſibi Jus hæreditarium, in bonis paternis vel mater-nis, aliorumve aſcendentium, ac etiam per aliquem ex Fratribus ſteriliter decendentem, ſi alii ex Fratribus ſuperſtites ſint, vendicare poterunt, licet nulla eo nomi-ne renunciatio facta ſit :

(a)

(a) *Virgo à Patre dotata nihil plus petat à Fratribus.* Herb. fol. 139.

5. Nec, ut Dos ratione decedentium Fratrum sibi augeatur a Fratribus, petere, sed illæ sortes Fratrum steriliter decedentium, ad Fratres solos, aut Fratrum masculini sexûs liberos, qui supervixerint, pleno Jure devolventur.

6. Quòd si Fratres omnes steriliter decedant, Sorores earumque liberi in stirpes in bonis succedent: Sororibus itidem, Amitis, Materteris, Avunculis, aliisque Cognatis, non tamen patruis, vel patruelibus, aliisve Agnatis, una cùm Fratribus Sorores earumque Successores in stirpes itidem succedent.

7. Nec Maritus in bonis (a) Uxoris, nec Uxor (b) in bonis Mariti, post mortem alterius, quicquam Juris amplius (Juribus tamen ejusmodi præteritis nihil nocendo) sibi vendicare aut usurpare poterunt, quàm quod ad (c) Acta publica quæcunque authentica legitimè inscriptum sibi docere poterunt.

(a) *Uxor Marito sine amicis nihil inscribat.* Herb. fol. 504. tit. Uxor.

(b) *Vidua dote & dotalitio tantum potiatur.* Idem fol. 472. tit.

Vidua dote &c. quæ adhuc ex mobilibus & aliis accipit. vide fol. sequ. tit. *Vidua quæ bona &c. Dos à Marito supervivente jure exigitur.* idem fol. 137. tit. *De Dote si Mulier &c. Dos non inscripta, & juxta antiquam consuetudinem non reformata: ex bonis Mariti repeti non potest.* Idem fol. 135. tit. *Dotes non inscriptæ &c. Dos ob priora debita Mariti perditæ, & (ut dicimus) malè locatæ; ex Bonis incautè exsolventium, iterum petitur.*

(c) *Infra Art. 1. Tit. 2. notavimus, quòd actus qui vim perpetuitatis sapiunt, coram Actis Terreſtribus vel Caſtrenſibus fieri debeant.*

8. Loco verò ſucceſſionis mutuæ in dimidiam partem bonorum, quæ hæcenus in uſu fuit, bona, quæ ad Maritum attulerit (a) dotemque & contradotem a Marito ſibi inſcriptam, integram habere debebit, quas ita Marito inſcribere liberum erit, nè amplius tamen, quàm dimidiam partem bonorum ſuorum iis oneret.

(a) *Das modò reformatoriò inſcripta, nullis poſterioribus debitis Mariti onerari poteſt Conſt. 1588. fol. 467. tit. O Sioſtrach Jurevictorum. Herb. fol. 137. tit. Dotalitia nec perlucris &c. Dotalitia fugâ vel crimine viri non viciantur. Idem fol. 136. Pro majori ſecuritate dotis & reformationis Statut. SIGISMUNDI Anno 1523. & 1543. cautum, nè Maritus bona juri reform. Uxoris ſuæ obnoxia ſine conſenſu Uxoris vendere poſſit; cui conſenſui ejusdem Uxoris, duo conſanguinei proximiores aſſiſtant, neceſſe eſt. vide Herb. fol. 504. tit. Conſenſus Uxoris. & fol. ſequ. tit. de eodem. Uſus dotis & dotalitii non niſi poſt mortem Viri Uxori ſervit Idem fol. 137. tit. de Dote ſi Mulier &c. Mulier cùm ſecundò nubit, ex bonis jure reformatorio poſſeſſis eximi poteſt. Ibidem tit. de bonis dotalitii redimendis. Domina reformatoria bona limitare, pro injuriis fundi agere aut reſpondere non poteſt. Dotem reformatam teſtamentò non legat. Reformationem ſi in alium tranſtulerit, evaneſcit dotalitium, & perſoluta dote, bona ſunt exemptibilia. Inventarium facere debet maritò mortuò. Plures reformationes habens, poteſt eligere quæ placet. Decenniò præſcribit ſi non repeeat bona jure reform. Reformatio tantum in media parte bonorum inſcribi debet.*

9. Et (a) Dotis quidem proprietas ad illam, hæredesque

desque ipsius pertinebit: Contradote autem ad vitæ tempora utetur, fruetur, (b) Successoribus tamen defuncti, de restitutione post mortem suam, inscriptione in aliqua bona libera, vel sua, vel fidejussorum sufficienter possessionatorum, cavere tenebitur

(a) *Quod usus dotis & dotalitii non nisi post mortem Viri Uxori competat: cum quod Vidua dote & dotalicio tantum cereisque mobilibus, si in inscriptione exprimantur, gaudere debeat, vide art. 7. & 8. supra.*

(b) *Vide Herb. fol. 137. tit. De bonis dotalitii redimendis. Vidua à Creditore (qui viâ juris accepta bona possidet) dotem & dotalitium levans, pro securitate dotalitii Fidejussorum statuere tenetur. Const. 1588. fol. 467. tit. O Siostrach Jurevicorum.*

10. Advitalitium (a) etiam Jus mutuuum in omnibus bonis liberum erit Conjugibus sibi inscribere. Si quæ etiam (b) nullam dotem a Marito inscriptam habuerit, quartæ tamen partis bonorum Mariti defuncti Uxor superstes usumfructum percipiet, donec ad secundas nuptias transierit.

(a) *Forma advitalitatis præscribitur in Herb. fol. 12. & 201. Domina Advitalitialis si circa Jus suum conservari vult, tenetur solvere bona Mariti, salva transfusione persolutorum in rem sui. Advitalitas in bonis indivisis valet. Per unum ex Conjugibus tantum facta, est contra formam Statuti. Jus advitalitium habens pro fundo nec agere, nec citari potest, bona sub periculo Juris sui deteriorare caveat. Eadem arrendare potest. Inventarium conficere debet. Mulier inscriptionem Advitalitatis & reformationem habens ut alterutrum eligat, cogi non potest. Pecunia pro cessa advitalitate Fidejussore non eget. Hanc secundi Voti Maritus ut suam accipit, nisi pacta matrimonialia obstent.*

(b) *Olim indocata Mulieri 30. Marca solvebatur, aut proventus trium Marcarum in annum pendebatur, à Successoribus Mariti, si eam Virginem duxit. vide Herb. fol. 136.*

11. Successionum autem hæc erit ratio. Primò per directam lineam descendentes succedent.

12. Itaque si quis decedens Filios aut Filias; ex aliis autem Filiis aut Filiabus Nepotes Neptesve, aut etiam ulteriore gradu descendentes reliquerit, vel etiam nullos Filios Filiasve, sed tantùm Nepotes Neptesve, aut ultiores, in bona Avi Aviæve in stirpes succedant, tantùm videlicet uniuscujusq; stirpis posterii accepturi, quantum ad Parentis ipsorum, si in vivis esset, sortem pertineret.

13. Si neque Filios Filiasve, neque ab iis descendentes quis reliquerit, Fratres autem, vel, Fratribus non existentibus, Sorores germanæ, defunctorumve Fratrum, aut Sororum liberi, descendentesq; extiterint, secundùm ea, quæ supra statuta sunt, in stirpes itidem succedant.

14. Si neque per directam lineam, neque a Fratribus & Sororibus descendentes extiterint, proximi Successores ascendentes per directam lineam sint, in qua linea hi gradus sunt: Pater, Mater, Avus, Avia, Proavus, Proavia, Abavus, Abavia, cæterique omnes, qui in Jure Parentum nomen obtinent.

15. Neque descendentes per directam lineam, vel a Fratribus & Sororibus, neque ascendentes per directam lineam ullis existentibus, quarto loco cæteri vel Agnati vel Cognati, ut Patruus, Avunculi, Propatruus, Proavunculi, & similes, ab iisque descendentes, eo, quo Pater

Pater & Avus ipsorum, si in vivis essent, Jure succederent, succedent, id est, in stirpes.

16. Succedere autem quisque debet in ea tantum bona, quæ ab eo proficiuntur, per quem cognatione defuncto conjungitur, ut paterni propinqui in paterna bona succedant, materni verò in dotem tantum, vel bona materna.

17. Itaque si quis ex una tantum Uxore liberos, aut ab iis descendentes habuerit, in utraque bona tam Patris quam Matris, eo, quod supra constitutum est inter Mares & Fœminas, discrimine conservato, succedent: Si ex pluribus Uxoribus, in paterna quidem bona conjunctim itidem succedent, in materna separatim, suæ quisque Matris.

18. Eodem modo, si germanum Fratrem, aut Fratrem deficiente Sororem, aut ab iis descendentes defunctus reliquerit, itidem tam in paterna quam materna bona defuncti succedant: Si consanguineos Fratrem, Sororemve, aut ab iis descendentes defunctus reliquerit, in paterna defuncti bona tantum succedent, in materna autem materni propinqui defuncti, quamvis remotiores.

19. Itidem si uterinus Frater, Sororve, aut ab iis descendentes extiterint, materna tantum bona defuncti capient, ad paterna autem paterni tantum propinqui admittentur, etsi remotiore gradu conjuncti illis sint. Profectitiorum autem seu quæsitiorum bonorum defuncti, eadem semper conditio sit, quæ paternorum.

20. Qui-

De In-
venta-
rio,

20. Quicumque hæreditatem, aut etiam usumfru-
ctum possederit, post mortem defuncti intra mensem
quatuor testibus fide dignis, suæ conditionis, adhibitis,
hæredibusque, aut aliquot ex illis vocatis, Inventarium
facere tenebitur: quod nisi fecerit, aut fides Inventario
adhibita non fuerit, in Jus Terrestre eo nomine vocatus
peremptorium terminum habebit, atque ad primam Ci-
tationem respondere tenebitur, corporaleque Juramen-
tum præstabit, omnia bona fide in Inventarium a se rela-
ta, nihilque ex bonis defuncti à se celatum vel celari,

TITULUS II. DE DONATIONIBUS ET TESTAMENTIS.

I.

Donatione inter vivos (a) donare, inscribere, ven-
dere bona sua, ad (b) Acta tamen aliqua authen-
tica; unicuique & cui voluerit liberum erit;
cùm maximè naturali libertati conveniens sit, ut quem-
admodum quisque velit, re sua utatur.

(a) *Serilibus liberam dispositionem relinquit* SIGISMUNDUS
Statut. 1511. vide in additam. ad Herb. *Dari Actionem Liberis*
contra Possessorem bonorum, ex vi statut. de Inscriptionibus in frau-
dem factis; quòd si Parentes eo respectu bona alienârunt ut liberi ex-
hæreditarentur, censet Zawadzki in Proc. Jud. Tit. 1. fol. 9.

Statu-

Statuta quibus innititur reperies apud Herb. fol. 193. & inter Constit. 1588. fol. 467. Inscriptio nascituris facta, non valet. Zaw. Pr. Jud. fol. 6. Contractus in suo robore conserventur. Const. An. 1726. tit. Trybunał.

- (b) *Actus qui vim perpetuitatis sapiunt in Prussia coram Actis Terrestribus vel Castrensibus fieri debent. Const. An. 1635. fol. 34. tit. Wiecznosc. & An. 1647. fol. 38. tit. Salaria. Actus ejusmodi ad Acta proprii Districtus Jus perpetuitatis habentia transferantur. Const. 1588. fol. 467. tit. O Waznosci &c. de transferendis inscriptionibus ad Acta proprii Districtus, vide Statut. JOANNIS ALBERTI & SIGISMUNDI in Herb. fol. 192. Potioritas Creditorum ab Actu translata inscriptionis ad proprium forum, constitui debet juxta præallegatam Const. An. 1588. & 1676. fol. 24. tit. Trybunał. In Prussia ubi inscriptiones manuales & coram Actis Civilibus recognita eandem cum Terrestribus aut Castren. vim obtinent, hæc lex non invaluit. juxta Const. An. 1726. etiam protestationes, manifestationes relationes &c. coram Actis proprii Districtus fieri debent in Polonia. In Prussia verò antiqua consuetudo viget. in Constit. An. 1635. & 1647. fundata.*


2. Testamenta autem de bonis (a) mobilibus quibuscunque, non autem de immobilibus, qui (b) factionem testamenti habuerint, condere eis liberum erit.

- (a) Vide Statuta SIGISMUNDI An. 1510. & 1519. apud Herb. ubi de Testamento & Const. 1676 fol. 33. tit. O Testamentach. *Dos in bonis reformatæ testamentò legari non potest. Zaw. Pr. Jud. Tit. I. f. 39.*

- (b) *Ætas, discretio, & valetudo consideranda in faciente inscriptionem. Herb. fol. 191. id ipsum considerandum in condentibus testamentum.*

3. Ut firma ac legitima Testamenta sint, ad minimum

C



num ipsius Testatoris fani mente ac (a) trium fide dignorum testium manibus & sigillis subscripta & obfignata esse debent : Quòd si ipse Testator scribere nesciverit, quartus testis in præsentia cæterorum nomine illius subscribat. Si etiam in Jure id Testator facere maluerit, integrum illi erit, ad Acta quæcunque authentica ultimam voluntatem suam disertis verbis profiteri, atque in Acta referendam curare, aut etiam Testamentum sua solius manu subscriptum & sigillo obfignatum, clausum ad eadem Acta offerre, cujus oblationis & traditionis actus Actis Officii inscribi debet. Morte deinde Testatoris consecuta, intra tres menses ad instantiam Officii, apud quod Testamentum depositum fuerit, vel etiam Officio id negligente, ad instantiam cujuscunque, qui interesse sua putaverit, peremptoriè Successores ad Officiu[m] citentur, ad audiendum & videndum Testamentum illud clausum, per Officiu[m] aperiri & publicari : in terminoque, sive comparuerint citati, sive non, Testamentum nihilominus aperiatur & publicetur, atque in Acta inscribatur.

(a) Jure Polonico non est præfixus & determinatus numerus Testium requisitus ad condenda Testamenta, vide Herb. fol. 465. tit. De foro ac forma Testamentorum. Juxta Prilusii Sententiam ad minimum quinque requiruntur.

4. Quacunque ratione Testamentum quis condiderit, vel testibus nimirum adhibitis, vel apud Acta aliqua publica, toties, quoties visum ei fuerit, ante mortem voluntatem suam revocare, mutare, in universumque, quod

quod visum fuerit, addere, detrahere, minuere, & vel integrum Testamentum inducere, abolereve, vel parti ejus derogare, integrum ei erit, ita, ut ad mortem ejusque voluntas ambulatoria & libera sit, semperque novissima quæque voluntas rata habeatur.

5. Si hæreditati, in quam debebat succedere, quis renunciaverit, sive Filius, sive quicumque alius, ad debita quidem solvenda, aut alia onera hæreditatis non tenebitur, bona autem omnia creditoribus dimittere debet: ac si suspicio aliqua fuerit, ex hæreditate aliquid ad illum pervenisse, à Creditore ad Judicium Terrestris vocatus, terminum peremptorium habebit, in quo corporale Juramentum præstet, nihil ex bonis defuncti se possidere, aut dolo malo possidere desisse, quod si præstare recusârit, aut liquidum debitum, quod petetur, fuerit, ad solvendum cogatur.

TITULUS III. DE TUTELIS.

I.

OMnibus, (a) liberos impuberes habentibus, integrum sit, quoscunque illis videbitur, Tutores, vel Testamento, vel ad Acta quæcunque authentica constituere.

(a) Pater, Liberis suis, & Uxori (si affectaverit) Tutores quos placuerit, constituere potest, qui post mortem ejus per Consanguineos removeri

non poterunt. Heib. fol. 262. tit. Minorennnes in Judicio
&c. & fol 468 tit. Pater &c.

2. Si quis nullis tutoribus relictis decesserit, Tutores legitimi sint proximi Agnati, qui nimirum masculino sexu pupillis conjuncti sint : deficientibus Agnatis, proximi Cognati, qui per Fœminam pupillos cognatione attingunt.

3. Quòd si ex linea Agnatorum, aut Agnatis deficientibus, Cognatorum pari propinquitatis gradu plures tutelam vindicare sibi voluerint, Judicium Terreſtre tres ex ipsis, si tot sint, deligat, quos pupillorum rationibus magis expedire judicaverit.

4. Quòd si vel nullos Agnatos, aut Cognatos habeat, aut, si fuerint, legitimis causis à tutela se excusent, (a) Judicium Terreſtre, à quocunque eo nomine appellatum, in proximis terminis terreſtribus, Tutores duos aut tres idoneos, & ſufficienter ibidem poſſeſſionatos, dare pupillis tenebitur.

(a) *Etiā à Rege & Judicio Tribunalitio Tutores assignari ſolent.*

5. In educandis pupillis, voluntatem defuncti Parentis, aut si de ea non conſliterit, proximorum Agnatorum aut Cognatorum Tutores ſpectent.

6. Sive autem Teſtamentarii fuerint, ſive legitimi, ſive dati, tutelæ ſuæ adminiſtrationem à confeſſione Inventarii ordiantur. (a) Ad quod confeſſiendum, intra menſem poſt ſuſceptam tutelam, Judex Terreſtris loci illius, à Tutoribus requiſitus, duos Scabinos in bona pupil-

pupillorum delegabit, qui confectum Inventarium manibus suis subscribant, & Sigillis muniant, quod Tutores in proximis Judiciis Terrestribus ad Acta referant.

(a) *Hujusmodi Inventarium bonorum Pupillarium & proventuum in Polonia conscribi debet à Tutoribus naturalibus, seu dativis circa apprehensionem bonorum, presentibus Consanguineis proximioribus duobus de linea Paterna, Constit. An. 1565. fol. 100. tit. O Opiekunach.*

7. Quod si à Tutoribus prætermisum fuerit, quanti à pupillis, aut hæredibus eorum, moderatione Judicis præcedente, in litem jurabitur, tantum damni nomine præstare illis tenebuntur.

8. Confecto Inventario, res, quæ temporis tractu perituræ videantur, quàm optima conditione poterunt, quamprimum vendent, pecuniamque ex illis redactam unâ cum reliqua pecunia pupillari, ex utilitate pupilli, inque rem illius collocabunt. Si debita aliqua exstiterint, mobilia bona vendant, ex quibus ea solvant.

9. Immobilia (a) bona non nisi ex sequentibus causis, & Decreto Judicii Terrestris, causa aliqua earum in Judicio Terrestri prius probata, vel vendant, vel alienent, vel obligent. Causæ autem, ob quas Decreto & æstimatione Judicii accedente, alienare, aut obligare ea poterunt, hæc sint: Dotis solvendæ: Alimentorum pupillis, si aliter expediri ea non possint, constituendorum: Damna ex obligationibus aliquibus, aut usuris, si ea non explicarentur, provenientia; ad extremum, liqui-

dorum debitorum solutio ; Extra hæc causas, aut etiam cùm aliqua harum causarum prætendatur, si absque Decreto Judiciï veneant, Dominium non transferetur, rectèque postea à pupillis vindicare poterunt.

(a) *Tutor & Frater natu major non potest hæreditatem Pupillorum alienare, nisi fortè exigentibus debitis paternis, imò nec limitare.* Herb. fol. 164. tit. Frater, Fratris minorennis &c. & fol. 468. tit. Tutor ut nihil &c. Constitutione tamen 1588. fol. 466. tit. De minorennibus complicitibus. *Tutori- bus potestas facta, ut cùm pecuniâ parata, proventusque alendis Pupillis & solvendis debitis Paternis, sufficientes desint, bona (illa tamen quæ in possessione minorennium actu sunt) parcendo litis impensis Creditoribus tradere possint.*

IO. Cùm plures Tutores fuerint, etsi unus tutelam administrarit, pupillis tamen hæredibusve eorum omnes conjunctim & ipsi & bona eorum in solidum obligata erunt.

II. Si Tutor Tutoresve suspecti sint, vel bona pupilli malè administrant, liberum erit cuicunque, vel propinquo, vel etiam alieno, qui cura pupilli tangatur, ad Judicium Terrestre vel Palatinum eum, eosve vocare. Ac si ex rationibus proventuum vel certis aliis indiciis suspectus fuerit, aut tutelam malè administrare reperiat, (a) Decreto Judiciï à tutela removeatur, ac si quid Damni ex administratione ejus ad pupillum pervenerit, præstet, omniaque secundum Inventarium alteri Tutori à Judicio delecto reddere cogatur.

(a) *Vide quæ suprà ad Art. I. Tit. præsen. notavimus.*

12. Si durante tutela ex Tutoribus aliquis mortuus fuerit, superstites tutelam administrent; cujusque tamen Tutoris bona, aut hæredes, non per amplius tempus tenebuntur pupillo, quàm per quod tutelam quisque gessit, ita ut suum quisque factum, aut ejus, cui in bonis successit, tantùm præstet.

13. In tutela ad (a) decimum octavum ætatis annum minores sint, quem cùm attigerint, in Judicio Terrestri annum ætatis probent, administratioq; rerum ad illos pertinentium à Judicio eis decernatur. Quo Decretò interpositò, Tutores omnia bona, tam immobilia, quam mobilia, eorum, in usum, possessionem & administrationem sine dilatione ulla tradere eis tenebuntur, tutelæque suæ & administrationis, tam ipsorum bonorum, quam omnium fructuum, reddituum & proventuum, præsentibus duobus propinquis pupilli, rationem eis reddent. Et administratio quidem bonorum, tam immobilium, quam mobilium, mox ad eos transferretur: immobilia tamen bona, antequam vigesimum quintum ætatis annum expleverint, nisi ex iis causis, & modo, ex quibus & quo Tutores alienare ea posse suprâ constitutum est, alienare nullo modo poterunt.

(a) *Juxta Statuta Regni occupant liberi masculi bona sua hereditaria dum 15. Annos habent, eadem tamen, scilicet immobilia vendere seu obligare non possunt, sine consensu proximorum Consanguineorum donec babeant Annos 24 transactos.* Herb. fol. 14. tit. Anni discretionis, fol. 263. tit. de Bonis &c. & fol. 468. tit. Tutor ut nihil &c.

14. Si

14. Si moram aliquam Tutores hac in re fecerint, ad Judicium Terrestre, aut Officium Palatinale peremptoriè citentur, quantique in litem a pupillis juratum fuerit, sine Exceptione & Appellatione ulla, damni nomine eis præstare, bonaque nihilominus iis restituere, & (a) rationes reddere teneantur.

(a) *Olim juxta Statutum CASIMIRI M. vide Herb. fol. 468. tit. Tutor de censibus. Tutor tantum de censibus & jumentis indomitis rationem facere tenebatur. Quòd per Const. An. 1565. fol. 100. tit. O Opiekunach emendatum, & dant Tutores rationem de omnibus Bonis Pupillorum juxta inventarium: cum recusantibus forum in Judicio Terrestri.*

15. Quòd si plures Fratres fuerint, ut quisque eorum ad (a) legitimam ætatem pervenerit, ita usum sortis, saltem cujusque eorum, modo supra definito, tradere ei tenebuntur; reliquorum autem Fratrum minorennium, & sortium illorum, conjunctim cum Fratre adulto, tutelam & administrationem continuabunt. (b) Divisio autem bonorum perpetua non nisi tum fiet, cum decimum octavum ætatis annum omnes compleverint.

(a) *De competentia annorum vide Art. 13. tit. hujus.*

(b) *Frater cum Fratre divisionem negante Forum habet coram Officio Capitanei Herb. fol. 360. tit. de eisdem literis. Bona vigore divisionis fraternæ 3. annis totidemque mensibus possessa, nisi causa legitima allegetur, repeti non possunt: ex divisione hujus temporis præscriptione stabilita. Herb. fol. 134. tit. Divisio bonorum.*

16. Si sumptus aliquos necessarios, vel in personam pupilli, vel in bona, vel in Judicia, vel rem aliquam ad illum

illum pertinentem Tutor fecerit : si etiam ipse, cum ejus causa aliquò iret, aut negotia ejus gereret, aliquid insumpserit, cum officium suum nemini damnosum esse debeat, rectè in rationes referet.

17. In universum, nihil præter dolum & latam culpam, quæ dolo proxima est, præstare Tutor debet. Itaque si, cum ipse omnia fecerit, vel Procurator ad Judicia pupilli delectus, vel Minister ad administrationem rei familiaris, in rebus pupilli aliquid peccarit, aut fortuitus aliquis casus, qui provideri non potuerit, damni aliquid rebus pupilli attulerit, præstare id Tutor non tenetur.

18. Omnibus autem in rebus pupillus meliorem suam conditionem, etiam sine Tutorum autoritate, facere poterit, deteriorem non.

19. Quòd si pupillus, postquam ex potestate Tutoris excesserit, damnum passum se ab eodem senserit, actionem eidem ob malè administratam tutelam infra tres annos & tres menses, (a) præscriptione in posterum obstante, instituere debet.

(a) *Quo tempore Pupilli Actioni suæ, postquam ad legitimam ætatem pervenerunt, contra injurios præscribant, non docent Statuta Regni Herb. fol. 261. tit. Minorennis cum annos &c. & fol. seq. Pupilli nec respondent &c. Zawadzki in Proc. Jud. Tit. 10. de præscript. convenit cum Jure correcto. Virgo Orphana post desponsationem sui contra Tutorem præscribit 3. annis & rotidem mensibus. Herb. fol. 479. Pupilli bona per Tutores alienata nulla præscriptione obstante repetunt Herb. fol. 468.*

Minorennis in quibus casibus sine dilatione ad annos discretionis respondere tenentur. vide Herb. fol. 261 & sequ. tit. Minorennis.

20. Mulieres (a) in aliena cura & tutela semper sint, & (b) Filia familias quidem in Parentum aut Fratrum, si adulti sint, Tutorumque Agnatorum, vel iis non existentibus, proximiorum Cognatorum: (c) Uxores Maritorum: de rebus tamen suis, siue inter vivos, siue testamento, Uxores cum Maritorum consensu, tutore adhibito, liberam disponendi facultatem habeant.

(a) *Viduae in Polonia Tutore non egent, quem Maritus Uxori non constituit, cum illa non affectat.* Herb. fol. 468. tit. Pater liberis &c.

(b) *Verba Statuti CASIMIRI M. An. 1368. Interim quò ad Sorores non fuerint matrimonialiter copulatae, earum hereditates matrimoniales quòcunque modò vocentur, praedicti Fratres possidebunt, quousq; eas nuptui tradent & dotent.* Herb. fol. 139. tit. Virgo à Patre &c. vide supra Tit. I. Art. 2.

(c) *Uxores maritis nihil inscribant sine consensu Amicorum, Idem fol. 504. Dotem reformatam testamento legare non possunt de Securitate dotis, vide supra Tit. I. Art. 8.*

TITULUS IV.

DE

PRÆSCRIPTIONIBUS.

I.

SI quis rem mobilem per triennium & tres dies, id est, octodecim septimanas; immobilem autem per triginta annos, non vi, non clam, non alieno, sed suo nomine, & titulo bonaque fide, pacificè sineque ulla ejusquam interpellatione possederit, ne rerum dominia

in

in incerto sint, dominium ejus acquirat: neque quisquam postea vindicare eam poterit. Quod si quis titulum etiam ac bonam fidem docere non possit, bona autem ea per longissimi temporis præscriptionem, quadraginta nimirum annorum spacio, pacificè & sine cujusquam interpellatione possederit, eodem modo Actioni vindicationive locus ampliùs non erit.

2. Quod idem etiam ad hypothecata aut obligata bona pertinere debet, nisi intra quindecim annorum decursum, ad Acta aliqua authentica, eadem hypotheca aut obligatio renovata fuerit. (a)

(a) *Bona Terrestria nullo jure adempta, præscriptione non obstante repeti possunt. Constit. Anni 1581. fol. 373. tit. de Bonis. & An. 1588. fol. 460. tit. Bona. Bona in dote dimissa per præscriptionem in hereditatem non transeunt. Ibidem fol. sequ. tit. na Do-brach. & Except. Mas. An. 1576. fol. 306. Bona per Tutorem alienata, præscriptione non obstante repeti possunt. Herb. fol. 468. De præscriptione Pupillorum contra Tutorem, & Virginis Orphanæ vide Tit. præced. Art. 19. Bona obligata 30. Annorum præscriptione in jus hereditarium Possessoris transeunt, nisi fortè Heredes continuis 15. Annis juri suo per protestationem caverint, aut conditio de non eximendo intra certum tempus intercessit. Herb. fol. 308. tit. de præscriptione obligatæ &c. De præscriptione hereditatis petendæ, vide ibidem tit. sequ. Præscriptio divisionis fraternæ triennium & trimestre, vide Tit. præced. art. 15. Contractus venditionis, etiam pretiò non integrè numeratò trium annorum totidemque mensium præscriptione firmatur, Herb. fol. 307. Præscriptio bonorum terrestrium contra Ecclesiam, 60. Anni sunt ante litem inchoatam, nisi præscriptioni per inscriptionem renunciatum sit,*

exceptis fundis Ecclesie adjacentibus, Const. An. 1633. fol. 26. tit.
O præskrıypci. & An. 1638. fol. 12. tit. **Declaratio.**
Spirituales actioni pro proventibus ex beneficio provenientihus decennio
præscribunt. Const. 1607. fol. 835. tit. O præskrıyach.
Moniales in 20. Annis à professione Religiosa præscribunt actioni
repatenda hereditatis, Herb. fol. 265. Nuptæ decennio, Vidua
sexennio præscribit, Ibidem fol. 306. & sequ. Pro capite & vul-
neribus præscriptio trium annorum est. Ibidem fol. 186. & 306.
Const. An. 1550. fol. 4. & An. 1588. fol. 462. Membro-
rum mutilatio cum duobus testibus probanda, si integrò Anno tacuisti,
Herb. fol. 501. Pro furto si in eadem Parochia, infra annum, si
in remotiore intra triennium actio instituenda, idem fol. 174. Pro
pecoribus & jumentis vi vel furto ablati intra biennium, idem fol.
308. Pro frumento mutuato intra 4. annos, idem fol. 168. Ad
Fidejussionem verbalem intra annum & sex septimanas agendum, idem
fol. 157. Præscriptio pro sepibus malè positis biennium est, idem
fol. 396. Kmeto profugus intra annum repetatur, idem fol. 234.
In certis Palatinatibus tres anni, Const. 1578. fol. 338. Præ-
scriptio pro recenti crimine annus & sex septimana, Herb. fol. 56.
Mercatores debita in registris annotata à Nobilibus ante triennium
perant, idem fol. 256. Pro expulsionem fiat protestatio intra mensem,
Herb. fol. 364. Pro expulsionem & damnis per expulsores causatis
intra annum & sex hebdomadas actio instituenda. Actor Successoribus
citati mortui causam intra simile tempus revicatorie instituat, sub
amissione ejusdem, Herb. fol. 8. Const. An. 1588. fol. 481. tit.
O przypozwiech. *Actor causam non continuans annum & sex*
septimanas causa cadit nisi forte Judicia suspensa fuerunt. Herb. fol.
7. Jus Corr. Tit. 6. art. penult. ubi etiam negligens executionem
rei judicata in simili tempore præscribit. Pro male obtento processu
intra annum & sex septimanas agendum. Appellatio non admissa intra
idem tempus prosequenda. Translatus terminus renovatur per adica-
tionem

tionem intra idem tempus extradendam, Deposita nullam habet præscriptionem. Præscriptio & fatalia inchoando à die obitus Regis nemini in progressibus Juris ad Annum post Coronationem novi Regis absunt. Const. 1588. fol. 480. tit. De Præscriptione. Præscriptio bonorum à tempore recognita in Actis intromissionis incipit. Except. Mas. An. 1576. fol. 306. Præscriptio tempore belli non currit. Herb. fol. 307.

TITULUS V. DE MAGISTRATIBUS ET JUDICIIS.

I.

CUM (a) Palatini ob negotia, tam Reipubl. quam sua, vacare interdum Judiciis non possint, integrum eis erit habere Vice-Palatinos, qui quidem sint Nobiles, Indigenæ ac ibidem possessionati.

(a) Palatini Prussiæ in Palatinatibus suis possessionati sint. Const. 1589. fol. 515. tit. Osiadłosc.

Ut Capitanei in Regno (scilicet cum jurisdictione) & eorum Officiales sint possessionati in illis Terris ubi Officia habent. vide Herb. fol. 53. tit. Capitanei. Possessiones Capitanei in illo Districtu in quo judicat non recentem quæsitæ esse debent. Const. 1613. fol. 33. tit. Waranek osiadłosci. De Vice-Palatinis in Regno vide Tir. præf. Art. 4.

2. Exercebunt autem Judicia singulis quatuor septimanis; In Palatinatu nimirum Culmensi prima mensis cujusque die, durante quidem vita moderni Palatini, alternatim Neofori & Radzini; illo verò decedente, Radzini tantum; in Mariæburgensi, septima ejusdem mensis Stumæ; in Pomeraniæ decima quarta, idque Starogardiæ, in oppido Swiecie & Tucholiæ alternatim; durante autem vita moderni Palatini etiam Skarsseviæ; post decessum verò ipsius, (a) non nisi in tribus locis illis superioribus, Skarssevia omissa. Quòd si in diem festum aliquis ex diebus istis inciderit, die sequenti Judicia ordiantur. A festo autem D. Margarethæ ad festum Exaltationis S. Crucis, Jura prorsus omnia sistantur ac fileant; excepta executione rerum judicatarum, & causis ex inscriptione venientibus, quas sine ulla exceptione temporis ac dilatione judicare semper, tenebuntur.

(a) Constitutione An. 1611. fol. 31. tit. Xegi. *Civitates in Palatinatu CULMENSIS Kovalevia seu Schönsee, in MARIÆBURGENSI Christoburgum Christburg, in POMERANIÆ verò Palatinatu Skarszevia vulgò Schöneck pro locis Castrorum designatæ sint. Hæc Castra per Constitutionem Anni 1635. fol. 34. tit. Wieczność. Jus perpetuitatis obtinuerunt. De transactionibus quæ vim perpetuitatis sapiunt ad Acta Castrensis vel Terrestria transferendis, vide infra Tit. 2. Art. 1. in Polonia Judicia Terrestria Castrensis & Fisci hebdomadâ unâ ante Convencus particulares cessant, & duabus septimanis post Comiticia Generalia reassumuntur, vide Const. An. 1589. fol. 525. tit. Sady. & fol. 579. tit. Sadzenie Rokow. excepta positione Actorum Terrestrium.*

strum. Capitaneus in loco consueto & publico debitoque tempore iudicet, sub nullitate sententiae, Herb. fol. 55. & sequ.

3. Judicabunt autem causas tantummodò (a) Civiles: Recognitiones quoque atque Inscriptiones quas-
cunque recipient, & rem judicatam (b) exequentur.

(a) *Præter articulos Castrenses, quos Herburtus tit. Capitaneus, fol. 54. recenset: scilicet pro violentia fœminis illata; pro depredatione Stratae publicae; pro incendio & inmissione ignis; ac pro violenta invasione domicilii alicujus. Judicant Officia Castrensia etiam alias causas utpotè inscriptionum liquidarum, exemptionis bonorum obligatorum, vel reformationi subjectorum. Herb. fol. 284. tit. Officium Castrense. Item exemptionis bonorum desertorum ex quibus stipendia militaria persolveri non potuerunt. Constitut. Anni 1717. tit. Regulamen. Pro exemptione bonorum Spiritualibus, Academicis, Xenodochiis obligatorum, tum pro censibus ex bonis obligatis ipsis debitis, forum est in Castro proprii Districtus, Const. 1635. fol. 9. tit. O Wyderkaufach. Pro decimis compositis, Ibidem fol. sequ. tit. Composicya. In Districtibus Leoburgensi & Bythoviensi Capitaneus recentiores decimarum & missaliorum ad satisfactionem compellere debet. Pacta Bydgost. An. 1657. Debitorum decimarum aratralium, & quorumvis Ecclesiasticorum proventuum censuras contumaciter sustinentes Palatini in Terris Prussiae ad satisfactionem cogant. Constit. Terr. Prussiae vide inter Jura Fundam. Capitanei possessionem in eo Districtu non habentes, in quo jurisdictionem exercent vigore, Const. 1613. fol. 33. tit. Warunek ośiadłości, forum habent in Castro. Item Cause recentis criminis, Herb. fol. 56. Expulsionis, Ibidem fol. 361. & 364. Item Constit. An. 1699. fol. 34. Exdotationis & educationis innuptarum Virginum, Constit. An. 1588. fol. 461. tit. O Polazeniu Siostr. Adhuc in foro Castrensi decidi possunt, Cause pro profugo ad Laudum*

Sredense per Const. An. 1633. ad Prussos extensum, vide etiam Const. An. 1567. fol. 136. & 1641. fol. 34. Causa homicidii. Herb. fol. 184. & sequ. vide Const. An. 1611. fol. 3. Cum inpossessionatis, vagabundis licentiosis forum in Castro. Herb. fol. 187. Const. 1611. fol. 13. Pro captivazione privata & incarceratione Nobilis. Item pro raptu. Const. An. 1588. fol. 462. tit. Opoimaniu. & 1607. fol. 850. tit. De raptu. Pro iniquè extorto teloneo Herb. fol. 450. Const. An. 1589. fol. 521. & 1677. fol. 8. Frater Fratri divisionem negans coram Capitano respondebit. Herb. fol. 360. Cum Tutore suspecto vel renuente calculum præstare Forum est coram Officio Palatini in Prussia, Jus Corr. Tit. 3. Art. 11. & 14. Ministerialis tam in Prussia quàm in Polonia pro commisso excessu coram Palatino respondere tenetur. vide infra Art. 42. & Const. 1578. fol. 335. in Castro respondent. In Iudicio aut Conventu publico gladium stringentes, aliquem vulnerantes, seu occidentes, & quovis modo securitatem Iudicii perturbantes. Herb. fol. 176. Const. An. 1611. 1616. &c. Jus Correct. Tit. hoc Art. 34. Pro abusu bombardæ Const. An. 1557. 1581. 1616. Conscribentes Militem sine literis consensûs Regii, aut cum consensu conscribendo, excessum committentes. Const. 1659. fol. 8. tit. O Werbunkach. Milites damna inferentes, & debitum executionis modum excedentes. Const. An. 1717. fol. 58. tit. Disciplina militaris. Christiani apud Judæos famulantes; & Judæi Christianos in servicio habentes Const. 1565. fol. 98. Contra Judæos tumultûs concitatores. Forum est in Castro pro pecore non præsentato, non autem pro damnis. Herb. fol. 292. Zyngarorum fautores Constit. 1578. fol. 335. Respondent etiam in Castro Mercatores ultra taxam constitutam vendentes, si Magistratus Civitatis Justitiam non administret. Const. 1616. fol. 14.

(b) *Etiam in Polonia executio rei judicatae Capitano seu ejus Officio incumbit.*

4. Vice-

4. Vice-Palatini in primis Judiciis, quæ habebunt, Juramentum in hæc, quæ sequuntur, verba, præsentē Nobilitate, præsent, Juramentumque hoc illorum in publica Acta referatur.

Vice-Palatini in Polonia Judicium in Nobiles nullum exercent imò simul Vice-Palatini & Judices Castrenses esse non possunt, vetante Constit. An. 1633. Pretium & mensuram rerum venalium cum Officio Capitaneol. ac Magistratu Civili, constituunt; ne per mercatores & artifices venientes aggraventur attendunt. Judæos judicant. De Officio Vice-Palatini in Regno vide præter Herb. fol. 285. & sequ. tit. Palatinus fol. 256. tit. Mensura. Constitutiones An. 1562. 1565. 1607. 1613. 1620. 1633. &c. Vice-Palatini in Regno Nobiles possessionati juratique esse debent, Constit. 1631. fol. 34. & 1633. fol. 37. tit. o Podwojewódzych.

5. Ego N. juro, quia justè secundùm Deum, Jus scriptum, æquitatem, & partium controversias judicabo, recognitionesque suscipiam, divitis & pauperis, amici & inimici, civis & peregrini discrimine sublato: Et neque favorem, neque odium, neque præmium, neque minas, aut inimicitias aliorum curabo, sed in judicando solum Deum, & Jus scriptum, æquitatem, partium controversias & recognitiones, in hisque omnibus conscientia meæ judicium sequar & audiam, rem judicatam fideliter exequar, aliaque negotia mihi incumbentia pro posse meo faciam: Sic me Deus adjuvet, & Sancta Christi Crux.

6. Judicia autem Palatinalia ipsi (a) Palatini, moder-

derni quidem quater in anno, singulis nimirum quatuor anni temporibus, habebunt, eademque quatuor septimanis antè publicabunt.

- (a) *Capitanei per se judicent Capitanealia judicia.* Const. An. 1562. fol. 26. tit. o Sądziech.

7. Exercebunt autem illa in Palatinatu Culmensi, Neofori: in Mariæburgensi, Stumæ: in Pomeraniæ verò, durante vita moderni Palatini, vel Starogardiæ, vel in oppido Swiecie, vel Tucholiæ, vel Skarssewiæ. Qui verò in posterum (a) constituentur Palatini, singulis quibusque octo septimanis Judicia habebunt, & ita quidem, ut in Culmensi Palatinatu, Radzini semper habeantur; in Mariæburgensi, Stumæ; in Pomeraniæ alternis vicibus Starogardiæ, in oppido Swiecie & Tucholiæ.

- (a) *Judicia Palatinalia in iisdem Civitatibus celebrantur, in quibus & Vicepalatinalia.* Vid. tit. hóc art. 2. LEOBURGI *Supremus Capitaneus bis in anno Jus dicit, die videlicet 18. Mensis Junii, & eadem die Mensis Octobris.*

8. Judicare possunt eadem omnia, quæ & (a) Vicepalatini, ac insuper Causas bannitionum, (b) invasionis domesticæ, & quæcunque ex præscripto Constitutionum Terrarum Prussiæ ad illorum judicia spectant.

- (a) *Quæ ad Judicium Castrensis Officii spectant* vid. tit. præsent. art. 3.

- (b) *De invasione domus* vide infra Art. 28.

9. Palatini in primis Judiciis suis iisdem, quibus Vicepala-

palatini, Verbis juramentum corporale, præfente Nobilitate, præstabunt, idque juramentum ad Acta publica referetur.

10. Ego N. juro, quia justè secundùm Deum, Jus scriptum, æquitatem, & partium controversias judicabo, recognitionesque suscipiam, divitis & pauperis, amici & inimici, civis & peregrini discrimine sublato: Et neque favorem, neque odium, neque præmium, neque minas aut inimicitias aliorum curabo, sed in judicando solum Deum, & Jus scriptum, æquitatem, partium controversias & recognitiones, in hisque omnibus conscientiæ meæ judicium sequar & audiam, rem judicatam fideliter exequar, aliaque negotia mihi incumbentia pro posse meo faciam: Sic me Deus adjuvet, & Sancta Christi Crux.

11. Judicium Causamve nullam Palatinus vel Vicepalatinus prorogare, diemque (a) Judiciis præfinitum proferre poterit, nisi fortè utriusque partis consensu & postulatu id fiat: Multas etiam nullas, nisi quæ vel jure expressæ sint, vel in quas nominatim quis se obligavit, decernet.

(a) *Judicium Capitanei nullum est cum debito tempore non judicat,*
Herb. fol. 56. *Judicia publicata non reclamantur,* in additam Statut. Herb.

12. Si privato cum Palatino in Causa ad Judicium Palatinale pertinente controversia intercesserit, palatinus apud vicinum Palatinum respondere debet, utrum Actor elegerit, is de controversia cognoscere, & rem judicatam exequi tenebitur.

13. Si Palatinus ejusque Vice-Palatinus Causas Officii sui statis temporibus non judicârit, decreta tam à se lata, quam ab aliis quibusvis Judiciis ad se remissa non executus fuerit, aut quo alio modo contra officium suum peccârit, metasve ejus excesserit, eo nomine ad Tribunal Regni citatus, prima vice poenam Centum Aureorum committet, altera vice in damnis condemnabitur.

14. Notarius Palatini eodem modo Nobilis, possessionatus, juratusque sit. Quod si (a) plebejum im-
possessionatum habuerit, ille itidem juratus sit: factum autem ejus, si qua in re peccaverit, Palatinus præstabit de eoque conventus respondebit.

(a) *Ut Notarii Castrenses in Prussia Nobiles possessionati & ad Acta præsentis sint, jubet Const. An. 1611. fol. 31. tit. Xiegi. Imò & Regentes Actorum Nobiles possessionatos juratosque esse, vult Const. An. 1647. fol. 26. tit. Regenci.*

15. Judices Terrestris eligi debent in locis, conventibus particularibus destinatis; in Pomeraniæ autem Palatinatu, & Terra Michaloviensi in locis, in quibus Judicia celebrari consueverunt, ab universa Nobilitate, in Conventibus per Palatinos intra sex septimanas à defuncti excessu indicendis, qui quidem Judices cum à Rege confirmati fuerint, literis Regiis exhibitis sequens juramentum præsentem Nobilitate, quæ ad judicia convenerit, præstare debent.

16. Ego N. juro, quia justè secundùm Deum, jus
scri-

scriptum, æquitatem, & partium controversias, judicabo recognitionesque suscipiam, divitis & pauperis, amici & inimici, civis & peregrini discrimine sublato: Et neque favorem, neque odium, neque præmium, neque minas, aut inimicitias aliorum curabo, sed in judicando solum Deum, & jus scriptum, æquitatem, partium controversias & recognitiones, in hisque omnibus conscientiæ meæ judicium sequar & audiam, aliaque negotia mihi incumbentia fideliter & pro posse meo faciam: Sic me Deus adjuvet & Sancta Christi Crux. Quod quidem juramentum ab eis præstitum in Acta referetur.

17. Scabini ad quævis Judicia sint in universum octo numero. Cùm autem locus aliquis vacarit, tam Scabini, quàm Notarii Terrestris ab universa Nobilitate, quæ ad judicia convenerit, primæ judiciorum die, singuli in unoquoque Palatinatu, eligi debent, ita ut majoris partis judicio in electione stetur, electique etiam sine Confirmatione Regia ad Officium admitti.

18. In Palatinatu autem Pomeraniæ, in quo Judicia separatim in singulis Districtibus haberi solent, uno autem Notario in omnibus Districtibus utuntur, electio Notarii in Conventu Starogardiensi, ejus rei causa à Palatino post Notarii excessum intra sex septimanas indicendo, haberi debet.

19. In primis autem Judiciis Scabini supraferi-

ptum: Notarii autem sequens Juramentum præstare debebunt:

20. Ego N. juro, quia justè secundùm Deum, jus scriptum, æquitatem, & partium controversias, protestationes jurídicas, judicis decreta, in librum Actorum Terrestrium inscribam: & inscribi curabo: in judicando, consulendo & scribendo solum Deum, & justitiam sanctam, & æquitatem, partium recognitiones, controversias, ac Judicis sententias, in hisque omnibus conscientia meæ judicium sequar & audiam, aliaque negotia mihi incumbentia fideliter & pro posse meo peragam: Sic me Deus adjuvet & Sancta Christi Crux.

21. Eligi autem debent, tam Judices, quàm Scabini, & Notarii, in aliquo districtu Palatinatus ejus, in quo judicia administrare debent, possessionati, Nobiles, Indigenæ, integræ famæ. In Palatinatu verò Culmensi, ex Consulari Ordine Civitatis Thorunensis duo sint Scabini, secundùm consuetudinem antiquam, à Nobilitate modò superscripto eligendi, in numerumque octo Scabinorum referendi.

22. Ne autem, propter absentiam Scabinorum aliquot, Judicia differantur, statuimus, tres Scabinos ejusque Palatinatû, cum Judice Terrestri, & Notario, ad Judicia administranda obeundaque sufficere.

23. Judicia autem Terrestria haberi debent, in Culmensi Palatinatu, Radzini & Thorunii bis in anno; primo feria secunda post festum Corporis Christi Rad-

Radzini, secundò feria secunda post festum sanctæ Hedwigis Thorunii; In Michaloviensi autem, septimana una semper post Culmensia Judicia, & alternatim Brodnicii & Neofori: In Marieburgensi, Stumæ, primò feria secunda post conductum Paschæ; secundò feria secunda post Lamperti: In Palatinatu Pomeraniæ, in singulis Districtibus Judicia itidem haberi debebunt bis in anno; & Dirflaviensia quidem Starogardiæ, primò feria secunda post festum Circumcisionis Domini; secundò feria secunda post festum S. Lucæ Evangelistæ: In aliis itidem Districtibus, locis consveris, ita nimirum ut Svecensia duabus septimanis Dirflaviensia subsequantur; post Svecensia verò aliorum porrò Districtuum una septimana invicem se consequantur: Quæ si in diem festum inciderint, feria proxima subsequente celebrentur.

- (a) *Judicia Terrestria in Prussia ter in Anno celebrantur vigore. Const. Ao. 1638. fol. 40. tit. Sady. idque ordine juxta præscriptum Juris correcti, additò tertio Judiciorum terminò, in Palatinatu CULMENSI Graudenti feriâ secunda post Dom. Misericordiæ proximâ. In Terra MICHALOVIENSI alternatim Brodnicii & Neofori, unâ septimanâ post Culmensia Judicia. In MARIEBURGENSI Palatinatu Stumæ feriâ secundâ post Festum Conversionis S. Pauli Apost. In POMERANIÆ vero Palatinatu pro Districtibus Dirflaviensi, Gedanensi, & Neoburgensi Starogardiæ feriâ secundâ post Festum S. Stanislai Episcopi & M. proximâ. Hæc, Svecensia duabus septimanis subsequuntur, quæ reliquorum Districtuum Judicia, utpote Districtus Tucholiensis Tucholiæ. Schluchoviensis Coneci, Mirachoviensis Bernæ, Pucensis Pucii. Leoburgensis denique*

que & Bythovienſis Diſtrictuum unius ſeptimana intervallò non obſtantibus feriis comitantur, Judicia Terreſtria quando in Regno ante Comitia ceſſant, & peractis comitiis reaſſumuntur. vide ſupra Art. 2.

24. Positio Actorum Terrestrium in singulis Palatinatibus observetur ordine subsequenti: In Palatinatu Culmensi, feria secunda post festum S. Joannis Baptistæ in Radzin: Districtu Michaloviensi ejusdem Palatinatus, feria secunda post subsequenti proxima: In Palatinatu Mariæburgensi, feria Stumæ: In Palatinatu Pomeraniæ, Starogardiæ, prima die post determinationem Judiciorum post festum S. Lucæ incidentium: similiter etiam in aliis Districtibus hujus Palatinatus observari debet.

*Positio Actorum nihil aliud est, quam cum à Notario seu Regente Acto-
rum Terrestrium, destinato tempore copia datur Acta adeundi, atque
ea extradendi quæ partes affectant. Ceterum positio Actorum etiam
sub tempus Comitiorum fieri debet. Herb. tit. Actorum libri.
Constitut. An. 1590. fol. 579. tit. Sadzenie Rokow.
De tertia positione Actorum in Prussia, vide Const. An. 1638.
fol. 40.*

25. Claves cistæ, in qua libri asservantur, tres erunt, una in Judicis, duæ in Scabinorum potestate.

26. Quòd si fortè vel Judex, vel ex Scabinis iis aliquis, legali impedimento impediatur. Judex suam seniori Scabino, Scabini proximè sequenti Scabino, & consequenter, ut quisque aliquem ordine subsequitur, claves suas transmittet.

27. Causas civiles Judicium Terreſtre omnes judicabit.

26. Interpretantes igitur Conſtitutionem, quæ in violentos olim lata fuit, ſtatuiſimus, ut ſi quis in domum, vel poſſeſſionem alterius (a) invaſerit, in publicis viis inſidias poſuerit; vim armata manu alicui intulerit, vulneraverit, vel occiderit, ad Palatini cognitionem viſ ea pertineat.

(a) *Super his convictus, ſive ſit Capitaneus, Nobilis, Civis aut quivis alius, juxta antiquum plebiſciturum Terræ Culmenſis capitali pœna puniendus, vide Conſt. Terr. Prussiæ inter Jura Fundament. Invaſor juxta Conſt. 1576. Infamiâ, & conſeſcatione bonorum punitur. Quomodo Invaſio probetur juxta Statutum, vid. Herb. tit. Invaſio domûs. Conſtitutiones contra violentos & invaſores late, etiam Thorunenſibus ac Gedanenſibus ſerviunt æquè ac Nobilitati. vide Conſt. 1627. fol. 14. tit. Miſto.*

29. Si verò reali aliqua injuria, ob limites controverſos, agro, frumentis, & id genus ſimilibus, damni aliquid dederit, ejusmodi Causas (a) non Palatinus, ſed Judicium Terreſtre judicabit, ſecundùmque exigentiam rei de iis decernet.

(a) *Quæ Cauſæ in Officio Caſtrenſi judicantur. vid. Tit. hœc art. 3.*

30. Cùm autem libera unicuique (a) Appellatio à definitivis ſententiis eſſe debeat, ob rem malè judicatam nullum Judicium tam Terreſtre, quàm Palatinalè, aut Commiſſariale, aut quodcunque citari debet: potèſtit autem citari ob exceſſus & gravamina, ſi quæ in Of-

ficio suo commiserit, ad Tribunal Regni, condemnatusque prima vice poenam quinquaginta Aureorum Ungaricalium; secunda refusionem damnorum Actori luet.

(a) *De Appellationibus vide Tit. 6.*

Ad prosequendam Appellationem etiam Judices appellari possunt, non autem pro damnis, Const. An. 1588. fol. 481. tit. de Accessoriis. Retractata sententia Judicem non infamat, Herb. fol. 209. tit. Judices in primis &c. Constit. An. 1726. tit. Tribunalis in quantumby.

31. Causa à Partibus aut Procuratoribus earum perorata, ut Judices remotis arbitris liberè sententiam dicant, omnes, qui in judicio jurati non sunt, secedere debent.

32. Arma præter gladium, acinacem, aut pugionem, quibus nimirum consuetudine sua Nobilitas utitur, (a) nemo in judicium afferat.

(a) *Securitati Judiciorum caveatur apud Herb. fol. 175. fol. 211. & seq. tit. Judicium. Etiam Const. An. 1611, 1616, &c. tandem & 1726.*

33. Cum sclopeto aut simili armorum genere prehensus quindecim Aureorum Ungaricalium mulctam dependat, neque ante solutionem eorum à judicio recedat, sub alia quindecim Aureorum poena: Ob quas quidem mulctas, si priore non soluta à judicio abcesserit, ad Palatinum loci peremptoriè nomine judicii evocabitur, & utraque mulcta sine Appellatione exigetur.

34. Si in Judiciorum loco aliquem quis vel vulneraverit, vel occiderit, à quocunque comprehensus per Officium Palatinale capitis poena puniatur; si etiam evaserit, ad idem Officium Palatinale citetur, itidemque capitali supplicio afficiatur.

35. Quæcunque ex libris Terreſtribus eduntur, Signo Terreſtri obſignentur, quod apud Judicium eſſe debet, manuque ejusdem Notarii Terreſtris ſubſcribantur.

36. Notarii tam Judicii Terreſtris, quàm Palatinalis, à quibuſcunque ſcriptis, quæ in Libros referuntur, aut ex iis edentur, non majus ſalarium accipiant, quàm ſequenti æſtimatione præſcribitur. A reſignatione nimirum perpetua, triginta groſſos: à dotalitiis & advitalitiis obligationibus totidem: ab obligatione quacunque, qua ſe ad dandum vel faciendum aliquis obligat, duodecim groſſos: à poena contumaciæ, à prorogatione termini ſeu limitatione ex conſenſu partium, à renunciatione Miniſterialis, proteſtationibus, areſtis judicialibus, aliisque actibus ſimilibus, ſenos groſſos: à ſententia definitiva groſſos duodenos. Cujus quidem ſalarii tertia pars Notario, reliquæ duæ Judicio obvenire debent. Ab extractu autem ex Actis ſoli Notario de ſingulis paginis plenè ab utraque conſcriptis quinque groſſi ſolventur.

Hæc obſervatio Conſtitutione Anni 1647 fol. 38. tit. Salaria approbatur: ita ut Judicibus Terreſtribus Caſtrenſibus imò & Civitatibus Pruſſicis ſub poena 100. aureorum Hungar. in Tribunali Pe-

et c. videnti inter Causas Officii ad cuiusvis instantiam vindicanda, omnis exactio ultra præscriptum non furis correcti vetita sit.

37. Ex multis omnibus & parte ea salariorum, quæ à Judicio secundum superiorem Constitutionem obvenit, æqualiter Judex & Scabini inter se dividunt.

38. Publicorum Notariorum, qui contrariis Instrumentis sæpè causas intricabant, usu abrogato, in loco illorum Ministeriales Terrestris substituimus, qui duobus Nobilibus adhibitis, quæ judiciali denunciatione aut attestatione opus habebunt, exequentur.

(a) *Ministeriales etiam à Palatino creari possunt, Herb. fol. 258. tit. Ministerialis. & fol. 286. tit. Palatini soli &c.*

39. Debent autem Ministeriales in primis Judiciis Terrestribus vel Palatinalibus sequens Juramentum præstare:

40. Ego N. juro, quia ex nunc & in postea fidelis ero Serenissimo Domino meo Regi &c. negotia Judiciorum mihi commissa & credita, & Citationes fideliter faciam, superque quibuscunque negociis, postquam requisitus fuero, fideliter recognoscam, non amore, odio, precio, vel favore, sed pro Deo & iustitia, nec ero consentiens cuiquam malitiæ, quæ posset quoquò modò opprimere veritatem, sed omnia integrâ fide, tam in Judicio, quam extra, absque dolo peragam, recognoscam & exequar, nihilque unquam falsi committam; Ita me Deus adjuvet & omnes Sancti.

41. Si quis Ministerialem eo tempore, quo officio suo

suo fungitur, occiderit, vulneraverit, aut pulsaverit, eadem pœna, qua violator securitatis publicæ, judiciorumve puniri debet.

(a) *Eorum Securitati caveatur*, Const. An. 1589. fol. 515. & An. 1726.

52- Quilibet autem Ministerialis apud Palatinum ejus Palatinatûs respondere tenebitur, in quo excessus aliquis commissus ab eo fuerit.

(a) *Idem Ordinatur* Const. An. 1578. fol. 335. tit. Woznych bezpieczenstwo.

TITULUS VI.
DE
PROCESSU
IN
CAUSIS CIVILIBUS.

I.

• **Q**ui in Jus aliquem vocare voluerit, ante omnia ipse standi locum in Judicio habere debet, & eum in Judicium vocare, quem convenire Jure permissum est.

2. Standi autem locum in Judicio non habent Liberi contra Parentes (a) in personalibus actionibus; Subditi item contra Dominum (b) & vice versa, cum ob potestatem quam quisque in suos habere debet, nul-

lum cum suis Judicium intercedere debeat. Proscripti item & infames. (c) Muti autem, surdi, pupilli mulieres, mente capti, (d) conveniri quidem, & convenire poterunt, non tamen absque Tutoribus.

(a) *Vide Statuta CASIMIRI M. & VLADISLAI JAGELL. in Herb. fol. 254. tit. Maternalia bona.*

(b) *Salvus conductus contra Dominum famulis & subditis dari debet. Herb. fol. 374. & seq. Dominus servum Nobilem pro furco capivans, poenas legum in incarcerantes Nobilem, non incurrit. An. 1588 fol. 462.*

(c) *Infames qui sunt, vide Herb. fol. 189 Excommunicati & censuris Ecclesiasticis innodati habent locum standi in Judicio Seculari. Const. An. 1562. fol. 29. tit. O niedopuszczeniu.*

(d) *Nulli mente capto Curator datur, nisi prius ex inquisitione per Judicium Terrestre proprii Districtus expedienda, constet, aliquem verè mente captum esse, & tum salvo jure proximiorum Curator constituitur. Const. An. 1638. fol. 32. tit. o Kuratoryach.*

3. Secundum id, ut ad suum quemque Judicem (a) in Jus vocet, quem convenire velit, quisque attendere debet. Si enim Pars Partem in aliud forum, aut jurisdictionem, quàm ad quam Reus pertinere docebitur, evocaverit, nulla & irrita erit.

(a) *Aktor sequitur forum Rei.*

Quæ causæ ad Judicium Castrense spectant obiter notatum tit. 5. art. 3. in Judicio verò Terrestri (quod in Prussia majorem potestatem quàm in Polonia habere videtur) omnes causæ sine discrimine deciduntur: Judicium Terrestre, cassat Testamenta, resignationes, contractus, insi-

scriptiones, aliasque transactiones: Tutores constituit; limitum controversias agnoscit: causas successionum, & concursus Creditorum judicat.

Evocans è proprio Districtu pœnâ 6. Marc. Parti evocata & Judicio eodidem solvenda, causâ ad proprium forum remissâ puniri debet. Herb. fol. 152. tit. Evocatio. Ad improprium Judicem nemo citari debet. Const. 1550. fol. 7.

Officiales Majoris Poloniæ ad Tribunal Lublinen. & Minoris Poloniæ Petricoviam, terminò taktô evocari non debent, sub nullitate processus, & pœna 500. Marc. Const. 1627. fol. 9. tit. de evocatione. Evocatio extra Provinciam sub pœna 500. Marcarum & nullitate judicati prohibetur, exceptis causis fisci & raptûs. Const. 1638. fol. 31 tit. de Evocatione. Citatione in vim termini tacti Nobilis extra Provinciam evocari non debet, Const. 1677. fol. 22. tit. Deklaracya Regeslru. Evocatio extra Provinciam sub amissione Cause & pœna 1000. Marc. exceptis Causis recentium criminum prohibetur, Const. An. 1678. fol. 10. tit. Evocatio. Anterioribus legibus reassumptis, statuitur, ne quisquam prætensiones suas, quæ in Judicio Terrestri aut Castrensi decidi possunt, in Tribunali etiam proprio, sub nullitate processûs, & pœnis de evocatione sancitis, vindicet, Const. 1653. fol. 18. tit. Zniesjenie. In Patronos Causarum præsertim Tribunalitios, per crudas citationes omissa competenti Jurisdictione Nobiles possessionatos prætextu violata securitatis, convulsionis Decretorum Tribunal. vel Arianismi ad Tribunal evocantes, & id consulentes pœna 500. Marc. cum sessione turris per 12. septimanas statuta An. 1678. fol. 27. tit. o Prokuratorach. Nobiles post Curiam Regis citari non debent, nisi ratione bonorum liquidi Juris Regii, sub pœna 500. Marc. in Tribunali vindicando Const. 1598 fol. 689 tit. o pozwiech &c. vide etiam Const. An. 1631, fol. 21. tit. o Mandatach. Quod Civita-

res earumque Magistratus non habeant forum, nisi coram sacra Regia Majestate in Judiciis Post Curialibus, probant Constitutiones An. 1578. fol. 328. An. 1588. fol. 458. tit. o Kadukach. An. 1611. fol. 27. tit. Miasł. &c. An. 1633. fol. 25. tit. o Sadach. An. 1667. fol. 12. tit. o powadze. *In Comitibus Grodnensibus* An. 1726. Constitutiones An. 1578. 1611. 1633. & 1678. *de evocatione reassumuntur, & nè Cause Juris Regii ad Tribunalia trahantur, sub nullitate Decretorum cavetur, vide fol. 41. § a jako &c.*

4. Quòd si verò Reus ultrò Judicem aut Jurisdictionem alicujus agnoverit, vel in Judicem aliquem consenserit, vel etiam obligatione, vel inscriptione sua illius Judicio se submiserit, juriq̃ suo renunciaverit, Jus dicenti parere debet. Si præter hæc à non suo Judice nihilominus parere jussus fuerit, quemadmodum suprà constitutum est, sententia Judicis nullius momenti erit.

(a) *Decreta in foro incompetenti lata nullius momenti esse declarantur per* Const. An. 1633. fol. 25. tit. o Sadach. An. 1638. fol. 31. tit. de Evocatione. An. 1678. fol. 10. tit. Evocatio. An. 1726. fol. 42.

Imo ejusmodi Decreta in foro competenti lata Capiteanei exequi non debent. Const. 1565. fol. 102. tit. Sady Grodzkie Mazowieckie.

5. Si ad Judicium Terrestre quis aliquem vocaverit, Citationi nomen Regium (a) præponi, Actoris deinde atque Rei prænomen, & nomen, sine cujusquam contumelia, & debito cuique honore servato subjici debet:

Res

Res denique ipsa, ob quam in Judicium vocatur, in Citationem (b) breviter narrari, atque ita Sigillo, quo judicium utitur, consignari debet,

(a) *In Citatione ad Judicium Terreſtre ſufficit tantum ponere de titulo Sacræ Regiæ Majeſt. AUGUSTUS II. DEI Gratia Rex Poloniæ &c. & non plus.* vide Herb. fol. 325. tit. Processus.

(b) *Citatio in Regno Poloniæ ſupplet locum Libelli.*

6. Si ad Conventum Terrarum Prussiæ (a) quis evocetur, Sigillum Terreſtre Palatinatûs ejus, in quo Reus fuerit, ei applicabitur: Si ad Palatini Judicium, ipſius Palatini: Si ad Tribunal, (b) Terreſtre.

(a) *Judicia Conventûs Terrarum Prussiæ, jam ſunt penitus abolita, poſtquam Nobilitas, Cauſas ſuas ad Tribunal Petricoviense per Appellationem devolvi conceſſit An. 1589.*

(b) *Id ipſum habet Conſt. An. 1578. fol. 331. tit. o poz wiech.*

7. Nemo in Citationem, exiſtimationem aut honorem alicujus lædere, verbis que aliquibus, quibus ea lædantur, uti debet. Quòd ſi quis contumelioſa aliqua verba, ſine quibus res ipſa narrari poterat, Citationem comprehendit, producens Citationem ejusmodi, tam Actor ipſe quàm Procurator ejus, unius ſeptimanæ Selliſſione in turri (a) mox puniri debet: Reus autem à termino & Citationem liber pronunciari.

(a) *Idem reperies in Herb. fol. 63. tit. In citatione verba. vide etiam Ibid. fol. 49. tit. Calumnia,*

8. Membranæ ad Citationes pro singulis grossis à quocunque Judicio & Officio dentur.

9. Ad Terrestre Judicium Citato duarum septimanarum; ad Palatinalè autem unius terminus (a) præfigi debet, Citatioque ea tanto tempore ante præfixum terminum per Præconem seu Ministerialem, ut vocant, Terrestrem, in bonis ejus, qui evocatur, ponetur; si absens fuerit, domesticis vel colonis insinuetur, eisque denuncietur, in Jus Dominum vocari.

(a) *Relationes postæ Citationis, Judicium Terrestre & Capitanei, duabus Septimanis: Terminos verò querelarum, seu illa Judicia, quæ Officium Capitanei exercet, unâ septimanâ in Polonia præcedere debent. Const. 1670. fol. 22. tit. o relacyach. In Prussia tantum dies postæ Citationis attenditur; relationem verò ordinariò sub tempus Judiciorum Ministeriales faciunt.*

10. Si Citatus possessiones nullas habet, vel vel ipsi per Præconem in manu Citatio tradatur, si Præco copiam ejus habere potuerit, vel ad valvas templi ejus loci, in quò commorari cum consliterit, à Præcone affigatur, vel proclametur, veletiam Parochiæ ejus, in qua bona aliquando possedit, sine præjudicio tamen ullo legitimi possessoris.

Vide Herb. fol. 187. tit. Impossessionati etiam Const. An 1588. fol. 465. tit. de impossessionatis.

11. Si probari in Jure poterit, Citationem à Ministeriali vel omninò non insinuatam, vel non legitimè insinuatam, aut publicatam fuisse, illeque nihilominus diversam relationem fecerit, per carnificem virgis publicè cædi, auribusque & naso mutilari, & ab officio

removeri debet, de quo coram Officio Palatinali terminum habebit.

De Securitate ac foro Ministerialis vide Tit. præced. art. 41. & 42. In Ministeriales falsa recognoscens pœna cauterisationis statuitur An. 1726. fol. 39. § na Woznych &c.

12. Quæ omnia nisi in scribendâ & insinuenda Citatione (a) observata fuerint, & Citatus vitium id in termino præfixo Judici demonstrârit, à termino & Citatione liber erit, Actori autem denuò in Jus eum vocare integrum erit, ad quam Citationem si non comparuerit, tum primùm contumaciæ condemnabitur, nisi fortè vel ex jure, vel ex sententia Judicis peremptorius is terminus fuerit.

(a) *Exceptiones contra citationem vide infra art. 28 & 32.*

13. Quòd si iterum docere possit, sibi de Citationem illa nihil constituisse, vel minùs legitimè insinuatam fuisse, ab eo etiam termino & citatione, non verò à causa, toties, quoties hujusmodi vitium intervenerit liber erit.

14. Terminus primus in nullo judicio peremptorius sit, præterquam ii, de quibus disertè, ut peremptorii sint, Jure constitutum est, (c) aut inscriptione (b) quis se submisit; in aliis causis, in quibus peremptorius terminus disertè non constitutus est, si ad primam citationem Reus non responderit, simplicis contumaciæ tantummodò contra eum feretur Decretum, pro quo Actor Judicio & Notario sex grossos (c) numerabit.

(a) *Actori semper est. terminus peremptorius Herb fol. 6. 7. & 327.*

Omnis secundus terminus est peremptorius, Ibid. fol. 90 *Jus Cor-*
rect. art. seq. Citatio verbalis, quâ aliquis pro excessu duranti-
bus Judiciis facto, in jus vocatur; seu terminus tactus, semper est perem-
ptorius. Const. 1598 fol. 706. Terminum peremptorium habent
causa, pro crimine læsæ Majestatis, perduellionis. Pro impeditio-
ne Revisorum telonei. Pro violatione securitatis Lustratorum. Pro
furto & dispercussione stratæ publicæ. Cum impossessionatis. Tur-
batoribus pacis, ac Violatoribus securitatis Judiciorum. Pro abusu
bombardarum & armorum insolitorum in publicis Convenciis. Pro
statuendo plebejo, vago, arma & bombardas deferente. Vide Con-
stit. An. 1563. fol. 41. 1567. f. 135. 1581. f. 372. 1588.
f. 455. 1598. f. 706. 1601. f. 731. & 735. 1611. f. 3.
1638 f. 39. Terminus peremptorius est in Causa pro extraditione
Subditi seu Kmethonis. Herb. fol. 239. Const. 1567. fol.
136. 1609 fol. 898. In causa pro non amotis obstaculis in fluvio
navigabili. Herb. fol. 60. Const. Anno 1598. fol. 693.
1667. f. 21. Pro iniquè extorto teloneo. Herb. fol. 450.
Const. An. 1589 fol. 521. An. 1677. fol. 8.
An. 1667. fol. 21. Terminus peremptorius, est in
Causa Nobilis privato ausu captivati Const. An. 1580. fol. 462.
In Causa contra illos qui duos Capitaneatus cum jurisdictione ha-
bent: & cum Capitaneis in illo Districtu in quo jus dicunt impossessionatis.
vide Const. An. 1562. fol. 23. & 1613. fol. 33. Terminus
peremptorius est in Causa homicidii. Herb. fol. 181. ut & in aliis
causis criminalibus. Terminus peremptorius est; Pro Inventario intra
tempus non facto. Pro aperiendo Testamentum circa Acta deposito.
Pro rebus ex hereditate renunciata acceptis. Cum Tutoribus pro
calculo faciendo. Cum Testibus pro deponendo testimonio citatis. In
causa contra violatores limitum, aut signorum designantium limites.
vide Jus Corr. Tit. 1. art. ultimo. Tit. 2. art. 3. & 5. Tit.
3. art. 14. Tit. 6 art. 37. Tit. 7. art. 24. Est præterea
terminus peremptorius, pro satisfactione & contraventione Decreto:
& cum causa ab Officio Executoriali vel ab alio Judice remittitur. Ter-

minum peremptorium habent ad alienam Causam additati. Ad Judicium in vinculis adducti. In Causa objectæ ignobilitatis, aut alterius gravis infamiae. Item pro Spolio. Raptu Deposito. Expulsione. Imò etiam in articulis Castrensibus, (quos supra Tit. 5 ad art. 3. notatos, reperies) primus terminus peremptorius esse, ordinariò decernitur. Cum militibus disciplinam lege præscriptam non observantibus primus terminus est peremptorius, Const. 1717. fol. 58. &c. &c.

(b) Cum Successoribus ad inscriptionem non est terminus peremptorius.

(c) Juxta Statutum SIGISMUNDI An. 1523. Actor pro simplici condemnatione tantum duos grossos solvit. Herb. fol. 104.

15. Contumaciâ eâ obtentâ, denuò modò suprâ demonstratò, & intra eosdem terminos, qui suprâ descripti sunt, Reum citet, qui ita secundò citatus, (a) rum demùm, tanquam in termino peremptorio, (b) respondere tenebitur.

(a) Formula Citationis secundæ videri potest apud Herb. fol. 74.

(b) Vide Ibidem fol. 90. tit. Condemnatio.

16. In termino secundo peremptorio si quis non steterit, Parti in causa vel lucro condemnabitur, (a) Executioque mox Actori decernetur.

Idem habet Statutum SIGISMUNDI An. 1523. ex Herb. fol. 90. ad præcedentem art. allegatum.

17. Si fortè Parte, aut Procuratore ejus, in loco Judicii quidem præsentè, per negligentiam tamen, vel etiam aliquam justam causam non respondente, Decretum latum fuerit, ante occasum Solis arrestare (a) intergrum ei erit, quò quidem ita arrestatò, sequente die aut

Judiciis ante omnes alias causas de eo cognoscere Judicium tenebitur.

(a) *Actor ad acclamationem Cause, quam in Regestrum, quod vocant simplex, inscribi curavit; Decretum in contumaciam contentis citationis conveniens, Citato interea connivente) dictat; Quod Judex infra inscriptionem Cause in regeſtro annotat, ad iteratam acclamationem Ministerialis per partem citatem arreſtandum.*

In Polonia arreſtum Decretorum Contumacialium currit ad 23 horas, excepta ultima Judiciorum die Const. An. 1588. fol. 482. tit. Arresty.

18. Cùm Judicium aliquod ordinarium celebrabitur, sive Terreſtre, sive Palatinale, eâdem die, in quam Judicium incidit, Notarius Judicii copiam ſui facere tenebitur; ad eum Partes nomina & causas ſuas deferent, (a) qui Regestrum omnium litigantium, nulli favendo, (b) ita ut qui prior eum appellaverit, prior in Album referatur, conſcribet; idque publicè ad valvas loci, in quo Judicia celebrabuntur, proponet.

(a) *Inſcriptio Cauſarum in Regestrum ab Actoribus intra triduum fieri debet, computando à prima die, quâ Judicia proclamata fuerunt.*

(b) *Nititur hæc Ordinatio Statuto CASIMIRI M. quod vide apud Herb. fol. 212. tit. Quis modus &c.*

19. Ex eo deinde Albo eo ordine, quo inſcriptum nomen cujusque est, Præcopræ foribus judicii alta voce ter Partes ad judicium vocabit.

Vide Statutum ad præcedentem Articulum allegatum.

20. Ac ſi quidem Reus non ſteterit, quemadmodum ſuprà ſtatutum eſt, in primo termino contumaciæ De-
cre-

creto Actori condemnetur; in secundo seu peremptorio, in ipsa causa, Si Actor non steterit, (a) in quolibet termino in evasione condemnari poterit.

(a) Si Actor non compareat, Citatus verò terminum attentans. Si a Causa & Actione sibi instituta evadere voluerit, die tertia & non alia, ante subscriptionem Regestri, in Regestrum Causarum simplicium se inscribi curat, contra eum à quo citatus est: Clamatoque Actore & non comparente, obtinet Evasionem citationis & causæ cum impositione perpetui Silentii; ratione verò vexa decernitur & publicatur Banicio perpetua. Taliter condemnatus Actor cadit causâ, non tamen in omnibus causis, scilicet in causa finium regundorum & redemptionis bonorum hereditariorum, vide Herb. fol. 6. tit. Quæ actiones. Item, ex praxi communi, in causis divisionis bonorum, executionis rei judicate, fisci, bonorum Regalium, bonorum nullo jure ademptorum, potioritatis, in quibus causis Actor absens, in evasione termini & processûs legitime condemnatur, non autem in evasione causæ. Actores in fine Judiciorum condemnari debent sub nullitate Herb. fol. 90. tit. Condemnatio.

21. Si utraque pars steterit, ut constare possit, legitime Reum in Jus vocatum, (a) ante omnia Actor, si Reus id postulaverit, vel ipsum præconem, qui citationem insinuavit, statuere (b) debebit, vel relationem ejus de citatione reddita ad Acta factam, (c) ex Actis publicis proferre, quorum alterutrum nisi præstiterit, Reus à termino (d) absolvetur.

(a) In Jus Terreſtre vel Caſtrenſe legitime vocatur per citationem literalem; & verbalem, seu terminum tactum, quas exequitur Miniſterialis & non alius, vide Herb. fol. 259. Tenemur præterea comparere in causis ab alio Judice, vel ab Officio Executoriali remiſſis.

In causis ad futuram cadenciam limitatis. In termino, ut dicimus, conservato, ex dilatione aliqua antecederenter concessa, proveniente, &c. Conguntur præterea in recenti crimine capti, sine citatione literali vel verbali, respondere.

- (b) *Citatus non respondet nisi viso Ministeriali, Herb. fol. 260. De termino ponendæ citationis ad Judicium Terrestre vel Castrense in Prussia, vide supra Tit. hõc. art. 9.*
- (c) *Relatio Ministerialis, coram quibuscunque Actorum libris, de positione citationis facta, tantum valet, quantum personalis recognitio. vide. Herb. fol. 257. Omnes Actus qui perpetuitatem non sapiunt in quovis Judicio vel Officio Civili, in Prussia fieri possunt. Const. An. 1635. fol. 34. tit. Wiecznosc. & An. 1647. fol. 38. Salaria.*
- (d) *Dilatio ad statuendum Ministerialem datur in omnibus causis, tam criminalibus quàm Civilibus. Actor tamen huic dilationi non satisfaciens causâ non cadit, sed Reus pro hac vice à citatione & Terminò absolvitur, & habet Actor saluum jus iterum citandi.*

22. Postquam Actor Citationem legitimè insinuatam fuisse docuerit, causam, ob quam Reum in Jus vocârit, exponet, utque Judex, quod jure deberi sibi existimarit, decernat, petet, ulteriusque in causa procedetur.

23. Itaque Reus ne reconventionem quidem uti poterit, sed si quid Actor ei debeat, peculiari judicio prosequi debet.

24. Antequam respondeat, liberum Reo erit, si possessionatus fortè Actor non sit, cautionem fidejussoriam ab eo postulare de expensis refundendis, quam si fortè præstare non possit, juratoriam cautionem præstabit; ac si ne eam quidem præstiterit, Reus à citatione & Terminò absolvetur.

Ue hic Articulus & sequens etiam in Judicio Tribunalicio in causis Prussicis observetur. jubet Const. An. 1638. fol. 40. tit. Sady.

25. Ad eundem modum Actor à Reo possessiones non habente, si ipse in Judicio comparuerit, Cautionem similem de Juri parendo, impensis, petere poterit, Reusque præstare eam tenebitur.

26. Si per Procuratorem, vel Actor, vel Reus steterit, primum Procurator Mandatum legitimum (a) proferre debet, aut de rato cavere, (b) quòd nisi fecerit, non admittetur.

(a) Plenipotencia in Causis divisionis, expulsionis, exemptionis rei judicate vel executionis, item in questionibus hereditariis coram Actis Terrestribus vel Castrensibus recognita requiritur in Polonia, ut habet Const. 1616. fol. 7. tit. o Plenipotencyach. In Prussia vero, etiam coram Actis Civilibus facta sufficit.

(b) Contra eum qui de rato caret, inferri potest utrùm etiam bona ejus correspondeant Procuratores sint diligentes & fideles. Herb. fol. 341.

Procuratores baniti vel infamiâ notati in Judicio non admittuntur. vide infra Tit. hoc art. 29. De Patronis Causarum Tribunaliciis, vide Const. An. 1726. fol. 41. & 42.

Accusans in criminalibus personaliter adesse debet, Herb. fol. 6. Item in termino præstandi juramenti. levanda summa. In termino ad cassandam banitionem, si relationem citationis coram Actis publicis non approbavit. Et denique Minorennis, ad annos discretionis veniens, & à Tutore rationem exigens, nisi forte quempiam cum speciali mandato ad exiendum calculum in locum suum substituerit. &c.

27. Cautiones autem hæ, nisi ante litem contesta-

tam petitæ fuerint, lite contestata peti postea non poterunt.

28. Cautionibus hisce & satisfactionibus, vel exactis, vel intermissis Reus, si quas exceptiones habuerit, siue perpetuæ eæ sint, siue temporales & dilatoriæ, (a) opponere eas poterit.

(a) *Exceptiones perpetuæ seu peremptoriæ Actionem penitus tollentes, vel perimentes sunt. Exceptio rei judicata. Rei soluta. Jurisjurandi. doli mali. metus, facti contra Jura Legesque. Rei transactæ. Incompetentis Actoris. Præscriptionum. Fataliorum Evasionis &c.*

Exceptiones temporales vel dilatoriæ sunt: Exceptio declinatoria fori, vide supra Tit. 5. art. 3. & Tit. hóc, art. 3.

Contra Plenipotentem seu Patronum Causæ, insufficienter inscriptum vel bannitum, vide Tit. hóc art. 20. & 29. Contra Cautorem & Cautionem.

Exceptio contra Actorem bannitum & infamem, qui in Constitutionem loci standi judicio & Objicienti pœnas reponere cogitur; quæ etiam contra Citatum decernuntur, si Condemnationibus obnoxius est. Const. 1589. fol. 529. tit. Infames. & 1726.

Excipit Citatus Actore in causa Criminali (ut vult Statutum CASIMIRI M.) personaliter non comparente, in quibus adhuc casibus Actoris personalis comparitio requiritur, vide Tit. hóc art. 26.

Contra Citationem & positionem Citationis fit exceptio, cum Citatio verba lesiva in se habet. vide supra Tit. hóc art. 7. Citatio super Citationem, pro una eademque re posita, cum pœna 3. Marc. cessatur. Herb. fol. 74. Fit Exceptio, cum Actor suo nomine citat pro re ad plures pertinente, vel cum non adcitavit omnes Actioni suæ obnoxios. vide art. sequ. Cum Mulieres, Minorennes, Subditi, sine Mariti, Tutorum, Domini aut alia competenti assistentia citant. Fit exceptio
cùm

cum Fratres divisi seorsim, indivisi conjunctim non citantur. Herb. fol. 164. Citationes criminales non scribuntur cum taxa. Potest fieri exceptio contra Citationem Castrensem, si verba Vigore Regio omittantur. Fit exceptio cum post terminos translapso; aut post mortem alicujus ex Citatis, revivificatorie & in causa limitum omnes non aditantur, cum pro profugo ad Bona Minorennum non Tutor, sed minorennes citantur: Cum aliquis pro eadem re, à duobus Actoribus, quorum uterque ut suam vindicat, convenitur, & tunc suspenditur Causa, donec hi Actores de jure suo experiantur. Herb. fol. 73. Si citatio contra personam alienam, in bonis alicujus ponitur, ante decursum Anni, Actio pro deportatione citationis institui debet vigore Constit. An. 1588. fol. 467. Datur exceptio contra citationem si tardius, quam lure præscriptum, posita est. vide Tit. hoc, art. 9. Item cum Citatio in Bonis modò obligatoriò, possessis Nobili ponitur, qui Hereditaria habet, &c.

Exceptio contra terminum, ut vocant simplicem, quem citatio debite scripta ac legitime posita constituit. Item contra terminum peremptorium, de quo supra Tit. hoc, art. 14.

Exceptio contra Iudicem si non est adultus, integræ famæ, sed banitus vel infamis, si non est Indigena; cum est ignobilis, impossessionatus, indebite electus, non juratus, litis comparticeps. Fit tandem etiam exceptio contra Iudicium non completum.

His exceptionibus accedunt Dilationes seu provocationes ad Evictorem, de qua infra art. 30. ad Munimenta, ad visionem fundi. Dilatio pro Majori. Dilatio ad statuendum Ministerialem, quò Actor positionem Citationis legitimare possit. Dilatio ad Scrutinium vel educendæ Inquisitionis. Infirmitatis, ad competentiam annorum. Deliberatio Iudicii.

Item Exemptiones seu Dilationes quæ Senatoribus. Nuntiis Terrestribus. Judicibus Deputatis, Commissariis, Militibus, & Officialibus ac Au-

licis Regiis ad determinatam functionem concedi debent juxta Constitutiones Regni, vide plura de dilationibus articulis sequ.

29. Si fortè extra territorium, aut districtum suum evocatum, aut aliqua alia ex causa forum ibi se non habere quis ostendat, aut si quas contra Actorem Exceptiones habeat, veluti, si ex iis sit, qui standi locum vel ipse, vel sine aliis in Judicio non habeat; si item vel non ipsi Actori, vel unâ cum illo aliis conjunctim Actio ista competat, quæ quidem Exceptio tum competet, si dividi Actio non possit, aut Actor vel aliorum nomine de rato non caveat, aut non suam partem solam persequi velit; alterutrum enim horum si fecerit, Exceptio hæc locum non habebit, contra Procuratorem item, ut si Mandatum non habeat, neque de rato caveat, aut infamiâ notatus sit, & si quæ alia in Procuratorem Jure Exceptio competit; contra Citationem & Terminum iis Exceptionibus, de quibus suprâ statutum est, uti poterit.

De exceptionibus plura habet art. præc. & sequ.

30. Ad Evictorem etiam unicuique provocare licet, si Evictionem sibi competere docuerit; quod si fecerit, Evictorem suum nominare in Judicio debet; Judicium autem secundum rei exigentiam dilationem ei dare.

Dilatio ad conveniendum Evictorem in hæreditariis quæstionibus concedi debet: Qui Evictor, cum personaliter comparens, onus causæ in se recipit, contra illum actio dirigi debet. Actor tamen principalem non omittit, si Evictor non fuerit solvendo judicato, Herb. fol. 151.

Si Citatus documenta quibus in Iudicio, probare posset, Evictorem sibi competere, ad manus non habeat; conceditur ipsi dilatio ad producenda documenta, quam deinde sequitur in alio termino Adcitatio Evictoris.

In Criminalibus & personalibus causis non conceditur dilatio ad Evictorem seu Authorem criminis. Const. 1588. fol. 465. tit. o Pomocnikach non obstante Statuto quod vide in Herb. fol. 151.

Causa expulsionis, quæ juxta Constit. 1699. & 1726. non intrando in cognitionem jurium. decidi debent, dilationem ad Evictorem non patiuntur.

Ab oneribus perpetuis fundo annexis, emptor non evincitur. Si particula agri, ab hereditate quam aliquis emit, per vicinum viâ juris recipiatur, evicto peti non potest, cum Venditor non alienum, sed proprium fundum, & qui justè ac jure ab hereditate avelli non potuit, resignasse præsumitur; nisi forte in contractu aliter convenerunt.

Qui bona inter Fratres nondum divisa, integra emit, ad Evictorem provocare non potest.

In causa pro dote, quæ per Possessores bonorum solvenda est, dilatio ad evictorem non currit. Constit. 1588. fol. 467.

Minorennæ quamvis annos legitimos nondum habeant, bona per Patrem obligata aut vendita evincere tenentur. Herb. fol. 261.

Evictori ad Evictorem suum Dilatio concedi solet.

Dilatio ad evictorem non conceditur, si non provocando ad evictorem causam suâ periculò defendere capit.

Pro litis expensis refundendis, non datur fidejussori dilatio ad conveniendum suum Principalem.

31. *Si quis etiam in controversia finium, aut simili, fundum vel limites oculis subjici (a) priùs oportuisse*

docuerit; priusquam contestari eum litem Judex cogat, in rem præsentem mittet.

In causis fundum tangentibus, visio decerni debet: cui visionis actui, eadem quæ & Judicio formali securitas cavetur. Constit. An. 1588. fol 48r. tit. o Dylacyach.

32 Quibus quidem & similibus exceptionibus (a) nisi ante litem contestatam quis usus fuerit, lite contestata uti iis non poterit. Judex autem, Partium controversiâ de hujusmodi exceptionibus auditâ, interloquitur, & exceptionem (b) locum habere, vel non habere, pronunciabit, secundùmque id, quod pronunciârit, Partibus, ut ulterius Causam prosequantur, injunget.

(a) *Exceptiones quæ ante litem contestatam inferri solent, ut & Dilationes, aliæque beneficia Juris concessibilia notantur supra Tit. hoc art. 28.*

(b) *Exceptio Rei judicata locum non habet, cum Decretum in præjudicium Tertiî procuratum est. cum Decretum vim Legis sapit, si tamen aliqua satisfactione acceptatum non est.* Const. 1726. *Impugnatur etiam res judicata Documentis noviter repertis, vide Const. eandem fol. 44. §. w Sprawach.*

Exceptio rei soluta & tractata, cum post latum Decretum authentica vel manualis quietatio non producitur. Cum res ad plures pertinsens, & pluribus adjudicata, uni à reliquis interessantibus non autorisato, data est. Non obest actioni quietatio illius, cui juxta Decretum in præjudicium tertiî latum, satisfactum est. Dos non locata, vel male locata non obstante quietatione iterum peti potest. Recognitiones Minorrennium, Mulierum & mente captorum sine assistentia Tutoris actionem non perimunt. Transactio in fraudem Creditorum, & priora Jura in bonis Debitoris habentium non obest.

Inscriptiones quietationes aliaque transactiones ad quas aliquis vi cogitur, vel astu inducitur, si protestatione in Actis proprii Districtus facta in tempore revocentur, nullam vim obtinebunt.

Exceptio contra Actorem cessat, cum juris transfusio producitur, aut legitima Successio probatur.

De exceptione Præscriptionis. vide Tit. 4. De evasione, & quando eâ obtentâ Actor causâ non cadit, reperies Tit. hoc, art. 20.

Exceptio fori locum non habet, si Reus ultro Judicem aut Jurisdictionem alicujus, in anteriore termino non excipiendo, agnovit; vel in Judicem consensit; vel inscriptione Judicio se submitit; vel forum ut dicimus ubiquinarium inscripsit. Tit. hoc art. 4. In citatione errans in titulo, proprio nomine, & data iterum citet, Defectus literarum, vel totius dictionis, non vitiat. Herb. fol. 68. & 75.

Exceptione contra Terminum non attenda decernitur peremptorius, in causis ut supra Tit. hoc, art. 14.

Contra Actorem bannitum in Prussia non fit exceptio, si relationem positæ Citationis ad Tribunal Regni, objectæ condemnationi opponit. Secus in Polonia ubi non attenda Citatione ad cassandam, Actor vel citatus bannitus, in Constitutionem loci standi pœnas arbitrarías reponere cogitur. Condemnationes, si in distincta causa plures, ex una inscriptione obtentæ sunt, non valent. Legitimè obtentæ, producta quietatione cessant; sine pœnis, quæ reconciliando Legem abusivè decerni solebant. vide Constit. 1726. fol. 39. Condemnationes in foro incompetenti obtentæ, si nullam executionem merentur, vide Tit. hoc, art. 4. etiam objici non debent. Pœnæ in constitutionem loci standi injunctæ seorsivâ vindicantur, nec prout ante fiebat decisio causæ rejicitur ad satisfactionem. Const. ead. fol. 47. §. rejecky.

Dilatio ad evictorem quando non admittitur habes supra art. 30.

Dilatio ad munimenta simplicia non conceditur in causis injuriarum & cædis.

Nec

Nec Dilatio Visionis in causis injuriarum fundum non tangentibus, vide Const. 1588. fol. 481.

Dilatio pro Majori quæ vigore Const. An. 1563. fol. 31. §. majori się tedy. in Judiciis Polonicis concedi debet, in Prussicis nōn invaluat. Hæc dilatio in una causa semel tantum conceditur, debetque instrumento aliquo authentico probari.

Dilatio ad statuendum Ministerialem non conceditur, nisi productæ relationi falsitas objiciatur.

Incarceratis nulla datur dilatio. Const. 1726. fol. 41.

Dilatio inquisitionis quæ in Causis facti concedi debet, in causa expulsiōnis post reinductionem decernitur.

Judex in una causa semel deliberet ad proxima Judicia, Herb. fol. 129.

Dilatio infirmitatis in Tribunali, in termino motionis ad 2. Septimanas conceditur. Const. An. 1588. fol. 481. tit. Prosecutio, 1647. fol. 8. tit. de re judicata. Dilatio infirmitatis tantum in causis quæ personalem comparitionem Citati vel Actoris exigunt, concedi debet; & deferretur juramentum comprobatorium Patrono causæ infirmitatem Principalis sui, alleganti. Const. 1726. f. 45.

Dilatio ad annos discretionis non conceditur, in causa evictionis bonorum per Patrem obligatorum aut venditorum. In causa exemptionis bonorum Patri obligatorum. In causa restituendæ hereditatis adhuc cum vivente Patre cæpta. In causis complicitatis & potioritatis Juris. Item si quis pro Patre Minorennum cavet, & eo adhuc vivente, pro cautione ad Judicium vocatus fuit, tenentur Minorennes citatum Fidejussorem liberare. Taxam capitæ per Patrem interempti, solvunt Minorennes, non expectando annos competentes, si Pater cum adhuc viveret pro cæde citatus fuit. Imò & in aliis causis, exceptis fundi & limitum in quibus Pater citatus existens obiit, Minorennes sine dilatione ad ætatem, respondent. vido Herb. fol. 183. tit. Homicidia, & fol. 261. Const. 1588. fol. 466.

Exem.

Exemptiones, Suspensiones, Remissiones, quæ in causis cum Senatoribus, Ministris, Officialibus ac Aulicis Regis & Reipublicæ, tum & in causis cum Nuntiis Terrestribus & Exercitûs, ac Commissariis vigore Constitutionum Regni, in omni Iudicio fiunt. Testimonio Marechalci Regni, Comitiorum Generalium, & Tribunalis Fisci Radomiensis, probari debet; quia excipienti & eximentise à Iudicio competebat, vide Constit. 1726. fol. 45.

Legatis Reipubl. ad Exteros Principes ad determinatam functionem concedi debet. Constit. 1659. fol. 5. tit. Ubespieczenie. & 1677.

Judex deputatus ad Tribunal Regni quamdiu in functione est, in nullo iudicio nec convenire aliquem, nec conveniri potest. Secus si accedat consensus utriusque Partis.

In causa pro violentiis sibi, Uxori, familia & bonis suis durante functione illatis, agere potest. Const. 1670. fol. 22.

Ius quod Judex deputatus alteri cessit, stante functione ejusdem vindicari non potest. Ibidem vide Const. 1726, fol. 24. §. reassumuiac.

Milites à Iudicio eximuntur, cum in Castris sunt, & Actu militanc; exceptis Causis criminalibus, expulsionum, inscriptionum, ac illis, in quibus personalitas non requiritur, quam deinde exceptionem attestatione Ducis Exercitûs probare tenentur. vide Constit. Ann. 1659. fol. 20. 1661. fol. 13. 1673, fol. 15. tit. Exempty. & 1726, fol. 46.

33. Quod si alterutra Partium Decreto eo Judicis gravatam se existimârit, in re præsentî appellare poterit.

De Appellationibus à sententia definitiva, & ab accessorio vide infra Tit. hoc, art. 44. & 47.

34. Ac si quidem Appellationi Judex detulerit, pendente Appellatione nihil innovari debebit; si frivo-

lam Appellationem Judex esse decreverit, ulterius in causa procedetur.

35. Quemadmodum autem Reo exceptionibus suis uti permissum, ita quod juris habet Reus in Exceptionibus, idem Actor in Replicis habere debet.

36. Si quis ad Monumenta (a) aliqua provocet, in Judicio Monumenta ea nominare, ac si quidem in Terrestri Judicio litigârint, ad sequentia Judicia dilatio illi dari debet, in quo quidem Terminò si Monumenta à se nominata non produxerit, causa intotum cadet, legali tamen impedimento, comprobationeque ejus salva.

(a) *Dilatio ad monumenta simplicia, in causis simplicium injuriarum & cædis atque sanguinis non conceditur, nisi ad specifica causam perimentia: verba Const. 1588. fol. 481. tit. o Dylacyach.*

De monumentis in Judicio producendis vide art. 43. tit. hôc.

37. Tenebitur autem quilibet, cum ad Testimonium dicendum citatus fuerit, comparere, & Testimonium dicere, sub Poena decem Aureorum Ungaricorum, subque eadem Poena, subditos etiam suos statuere, (a) si Testimonium ab illis requiratur; quam Poenam Judicium Terrestre, aut Palatinale, aut Commissoriale, in quo causa versabitur, mox decernere debebit, Par que à Judicio non recedendo eam Parti ac Judicio dependere, aut si eam non dependat, Judicium pro Executione ad Officium Palatinale remittere.

(a) *Ad testimonium dicendum in causa Homicidii, tenetur Citatus comparere, & subditos suos statuere sub poena 100. Marc. qui rigor etiam*

ad

ad Cives Regios, & Oppidanos Spirituales ac Nobilitares extenditur in Polonia. Const. 1588. fol. 463. tit. o Męzoboycach.

38. Cùm autem iniquum sit, aut ad Testimonium, in aliena causa dicendum, in longinquiorem aliquem locum, cum sumptu & molestia sua quis evocetur, liberum unicuique erit, à quo Testimonium exigetur, apud proximum Judicem, vel Officium, quod elegerit, sive Terrestre, sive Civile, tam in Regno, quàm in Prussia, (a) Testimonium deponere, quod quidem Testimonium cùm ab illo Judicio obsignatum, in Judicio, in quo Causa vertitur, prolatum fuerit, eandem Authoritatem habebit, ac si in eo ipso Judicio depositum fuisset.

(a) *Idem habet Constitutio ad præced. art. allegata.*

Testimonia, extra Judicium in quo causa principalis agitur, deposita, in Causa criminali tantùm à Testibus oculatis & citatis valent. juxta eandem Const.

39. Observari porrò in omni Testimonio debet, primùm, ut Pars, cum qua lis intercedit, ad inducendum Testimonium in Judicium illud, in quo testaturi Testes sint, ad minimum duabus septimanis antè cite-
tur, (a) facultasque eidem fiat Interrogationes suas, de quibus Testis interrogetur, Judicio offerendi, contra Testes Testimoniave eorum, (b) quæ ei videantur, dicendi; quod si fecerit, Judex unà cum Testimonio utriusque Partis Interrogationes & Oppositiones scripto comprehendet, atque utrique Parti, si id petierit, sub Sigillo (c) edere tenebitur.

(a) *In causa facti conceditur dilatio Inquisitionis seu scrutinii, juxta contenta Citationis & protestationis, ex Testibus rei geste gnaris, per Partem utramque adcitandis, in proximo Judiciorum termino, educende; In quo tanquam peremptorio, & per antea Decretum conservato, Partes inter se agentes, sine ulla citatione, personaliter comparent: Et communicatis sibi punctis interrogationum, juxta quas inquisitio fiet, petunt à Judicio, quatenus ad examinandos Testes (si ad citati comparuere, vel statuti sunt) procedat. Antequam verò Judicium Testes admittat, a Parte utraque, quòd Testes comparentes ad dicendum falsum testimonium quòvis modò non induxerit, solenne Juramentum exigit. In fundamento Juris Correcti hocce juramentum fieri non video; nisi fortè juxta Const. An. 1588. ubi de scrutinio in causa homicidii.*

(b) *Fit exceptio contra Testes, si in Causa homicidii numero 12. non inducantur. Si invasio Domus cum 18. Testibus, & mutilatio membrorum post prescriptionem unius anni per duos Testes non probetur. Const. ad præced. art. allegata, & Herb. fol. 206. 501.*

Testes si non sunt jurati, vide infra Tit. 42. de juramento Testium, Non admittuntur Testes consanguinei, exceptis causis probationis Contractus & venditionis. Herb. fol. 466. Nec in causa objectæ ignobilitatis consanguinei excluduntur. Const. 1601. fol. 736.

Si Testi excommunicatio, & in causa limitum ignobilitas objiciatur, vide Herb. tit. Testis.

Testes infames, baniti, minorennes & facti complices &c. non admittuntur.

De exceptione contra Testimonia, vide art. 43. Tit. hoc,

(c) *Hòc locò notandum: quòd Inquisitiones seu scrutinia non tantum sub Sigillo extradi debent, sed intelligitur ut ejusmodi testimonium seu in Civili seu alio quovis Judicio præstitum, sub occluso rotulo, nè scilicet Pars legere & scire queat argumenta depositionis; rejiciuntur enim in*

omni Judicio cum aperta producuntur. Eductum Scrutinium in rotulo obſigillari debet, juxta Conſtit. 1588. tit. o Męzoboycach.

40. Si Pars citatâ in termino non ſteterit, Teſtimonia nihilominus recipiuntur, Partique producenti edentur, liberâ tamen facultate alteri Parti relicta, cum apud Judicem cauſæ prolata fuerint, ſi, quæ contra teſtes aut teſtimonia dicat, habuerit, apud Judicem cauſæ ea opponendi.

41. Si etiam Teſtis aliquod proximum Judicium ſibi elegerit, (a) ad quod Pars citari (b) aut venire non potuerit, Teſtimonium nihilominus recipietur, ſalva contradictione, ſi quam habeat, alterius Partis, apud Judicem Cauſæ.

(a) *De Teſtimonio in proximiori Judicio deponendo, vide ſupra Tit. hęc art. 38.*

(b) *Quod Teſtis coram viciniore Judicio, teſtimonium ſuum depoſiturus Partem citare debeat, non præſcribit art. 38. Tit. præſent. nec Conſtitutio ibi, & ad ſequentem articulum allegata.*

42. Ne autem facilè homines ad perjuriam labantur, quilibet Judex, apud quem Teſtimonium aliquod deponitur, cauſam ſcientiæ interrogare Partibus abſentibus Teſtem debet, de ætate prætereâ ipſius, hora, loco, & tempore, tum an ipſe rei geſtæ interfuerit, an ab aliis eam cognoverit, aliaque, quæ ad indagandam rei veritatem pertinere videbuntur, inquiret. Quò meliùs etiam liquere de veritate teſtimonii poſſit, utrique ſive etiam alterutri Parti, ſi altera id facere neglexerit, liberum erit,

capita certa, de quibus Testis interrogetur, Judici offerre; Judici autem secundum ea testem examinare incumbet. Ad quæ, sive à Judice, sive à Parte proposita, si ita Testis responderit, ut rem ei notam aut cognitam fuisse, verisimiliter advertere possit, ad Juramentum eum admittet, si spontè in ea jurare voluerit! sin secus Juramentum (a) ei non deferet; dicta nihilominus ejus conscripta sub Sigillo Parti petenti edet.

(a) *Testes seorsim examinantur, quorum depositiones juramento non comprobata hodie in Judicio non valent. Quamvis Constit. Ann. 1588. fol. 463. 1667. fol. 6. & 1670. fol. 29. tantum in causis homicidii, & aliis criminalibus, item in causis violatæ securitatis Senatorum, Nuntiorum Terrestrium, aliorumque in functione publica existentium & in causis limitum, à Testibus, juramentum exigant.*

43. In termino Monumentorum producendorum Pars, quæ ad ea provocârit, sine ulla dilatione aut exceptione, sub amissione Causæ exhibere ea tenebitur; Quod cum fecerit, vel Testimonia produxerit, Judex alteri parti mox in Judicio ea publicabit, potestatemque, si quis contradicere velit, ea refutandi (a) ei faciet; quod cum fecerit, ad definitivam sententiam Judex procedet, nisi fortè ad alia Instrumenta & Testimonia ipse etiam Actor provocet; tum enim, quantum temporis uni Parti ad Instrumenta Testimoniave sua producenda tribui debere suprâ statutum est, tantundem, & eâdem conditione, alteri quoque Parti tribuetur. Quæcunque deinde Pars fidedigniora Instrumenta & Testimonia protulerit, secundum eam Judex pronunciabit.

Sim-

Simplici verò affirmatione aut negatione, etiam si ad Juramentum quis se offerat, contra Instrumenta & Testimonia nemo niti poterit, neque cuiquam, contra Testes & Instrumenta sine ullis instrumentis aut Testibus niten- ti, Juramentum Judex decernet. Si autem ab utraque Parte Instrumenta & Testes fuerint, erit in potestate Judicis, ei Parti, quæ fidedigniora documenta produxe- rit, ut in supplementum ea confirmet, Juramentum (b) injungere. Actore autem nudis verbis tantum li- tem prosequente, nuda ejus affirmatio nuda Partis con- ventæ negatione elidetur.

(a) *Refutatio testimoniorum hodie non practicatur. Judex enim auditis controversiis, Depositiones Testium juratorum, Partibus (ut art. præced. habet) absentibus seorsim inductorum connotatas, & in occluso rotulo Parti utrique ad manus datas, reponere mandat, omnibusque qui in Judicio jurati non sunt, recedere jussis. (vide supra Tit. 5. art. 31.) nullam amplius contradictionem admittendo, Testimonia referat. Quibus, sine publicatione, lectis; his tamen, quæ per Testes legitime per Partem exceptos (vide supra art. 39.) facta sunt, & sine juramento Deponentis, connotari solent, non attentis, sententiam dicit.*

Fit tamen exceptio in genere contra Testimonia; Si in Causa criminali non per Judicem (ut vult Const. 1588. fol. 463) audita sunt. Solent enim Judices cum multitudine causarum impediuntur, alicui al- teri de cujus bona fide supponunt, Officium inquisitionis committere, hoc quamvis abusive fiat, in causis tamen minoris momenti, non at- tenditur.

Si Testimonia Sigillo judicii, coram quo deposita sunt, non obfigillata re- ponuntur, vel si Sigillum violatum esse constet.

Si denique aliqua Partium, juramentum super incorruptos Testes non præ- stitit, fit exceptio.

In.

Inquisitiones juxta quas Decretum latum est, cum appellatio admissa intercessit, Judex subscribit, & Partibus in ocluso rotulo sigillò publicò firmatas reddit, ad judicium Tribunalitium comportandas. Secus fit, si appellationi non est dilatum, aut Partes decisioni acquiescere.

(b) *Actor circa documentum propior est ad juramentum.*

Actor damna comprobat per juramentum. Herb. fol. 299.

Actor super proprium laborem propior est ad comprobandum juramento.

Idem si non in tempore pro subdito agit, jurat quòd de illo prius nesciverit.

In causa homicidii, unus tantum juramentò Actoris convincitur. Herb. fol. 179. Homicida juramento Actoris & sex testium genere similium convinci solent.

Actor vulnera cum duobus testibus sibi similibus juratoriè comprobat. Herb. fol. 500.

Eciam mutilationem membri, si elapsò annò non egit. Ibidem fol. sequ.

Actor juramento convincit citatum pro furto non integrè reddito. Ibid. fol. 174.

Extinctorem candle Actor vulneratus juramento convincit. Ibid. fol. 503.

Contra Invasorem domùs Actor metseptimus jurat. Ibid. fol. 206.

Fidejussor illum pro quo cavet juratoriè convincit, si is debitum negat. Ibid. fol. 157.

Pro deposito Actor jurat, cum Citatus depositum negat. Propior verò Citatus ad juramentum si depositum apud se fuisse agnoscat, sed se non causante furto ablatum esse infert.

Pro deportatione citationis serò agentis, defertur juramentum quòd de citatione in bonis suis posita ignoraverit. Const. 1588. fol. 467.

Mulieres in causa violationis vel oppressionis, si signa adsint juramento oppressorem convincunt. Si verò Signa non sint Citatus evadit cum sex Testibus per juramentum. Herb. fol. 55.

Depactatores in Cancellaria juramento Actoris convincuntur. Const. 1726. fol. 36.

Dam-

Damna per milites illata comprobat Actor per juramentum. Const. 1717. tit. Disciplina milit.

Pupillis deferitur juramentum contra Tutores, vide supra Tit. 3. art. 7. & 14.

Actor cui jumentum occisum est jurat super taxam. Herb. fol. 226.

Actor litis expensas juramento probat. Const. 1565. fol. 100. vide Jus Corr. Tit. hóc, art. 59. ubi de litis impensis.

Citatus pro spolio in via die forensi facta, cum 12. Testibus juramento se expurgat. Herb. fol. 427.

Homicidium in defensione vitæ committens, & præsertim in via, cum sex Testibus jurando evadit. Idem fol. 180. Const. 1588. tit. 0 Męzoboyſwie.

Citatus in objecta falsificatione monetæ, cum 18. Testibus sibi genere similibus, bonæ famæ, juramento se purgat. Herb. fol. 269. tit. Si quis inculpatur.

Wladarius seu famulus metseptimus jurando se expurgat, Ibid. fol. 399.

In causa pro fureto apum, si Actor testes non producit citatus juramento evadit. ibid. fol. 14.

Pro incitatione & morsu canis, si Actor testibus non probat, Citatus jurando evadit. Ibid. fol. 62.

Si Literis, ex Actis publicis quæ incendio absumpta sunt, depromptis, falsitas objiciatur; producens cum duobus Nobilibus possessionatis bonæ famæ, earum realitatem juramento comprobat. Ibid. fol. 247. tit. Si falsitas &c.

Citatus ignobilis ab Actore Nobili pro vituperio, juramento evadit. Ibid. fol. 275.

Dominus citatus pro statuendo servo excessivo, si ante arrestum fugit metertius jurat, quia ei ad fugiendum occasionem non dedit, nec crimini,

aut excessui per servum facto consensit. Ibid. fol. 207. tit. Si Servitor.

Viro bonæ famæ evasio juratoria defertur, cum Actor objecta per Testes non probat. ibid. fol. 481.

Citatus pro rebus inventis, & non redditis, propior est ad jurandum, quod nec invenit, nec habet rem perditam Actoris. Ibid. fol. 207. tit. Inventa res.

Cum Mercator præsumptum debitum literis vel testibus non probat, Citatus Nobilis jurando evadit. Ibid. fol. 273.

Pro pecore de grege amisso, juret, Pastor, se illud cum alio ad villam depulisse. Ibid. fol. 290.

Processus tollitur juramentò, quod de Citatione posita nesciverit, præstitò.

Pro complicitate baniti Citatus, juramento se purgat.

De juramentis in causa pro ioniquè extorto teloneo præstandis. vide Herb. fol. 450. & seq.

Heredi renunciato defertur juramentum, quod de bonis abrenunciatis nihil participavit. Jus Corr. Tit. 2. art. 5.

In quibus casibus Judæi ad juramentum admittuntur, & juramentum Judæorum videri potest apud Herb. fol. 217. & 226.

Procurator nomine Patris ad dilationem infirmitatis se recipiens, jurat quod aliter nescit, nisi quod Principalis verè infirmus est. Const. 1726.

In causa pro comportatione seu extraditione rerum & documentorum propior Citatus ad jurandum quia omnia bona fide comportavit, & extradidit.

Ad probandum Pars literas habens propior, & ubi utraque literis & documentis caret, Possessor rei controversæ jurat. Herb. fol. 299.

Actor penas non incurrit, Citato, in causa honoris per juramentum evadente. Const. 1588. fol. 465. tit. o rzeczach ktore &c.

Invaluit, quòd à summa juramento evicta, solutio provisionum non discernatur ad Actum Decreti.

44. Propositione denique Exceptionibusque utrinque propositis, Instrumentis etiam seu Monumentis, ac Testimoniis diligenter examinatis, definitivam sententiam ex scripto proferet, Partibusque petentibus scriptam edet; appellare etiam ab ea volentem appellare (a) permittet.

(a) Non admittitur Appellatio Actori & Citato in causis infra-scriptis, scilicet in executione rei judicatae ad inscriptionem. exemptionum liquidarum; deductionis scrutiniorum, inquisitionum in causa summae 3000. floren. non excedente; in causis quarum finis est, probatio vel evasio juratoria, excipe si transactioni falsitas objicitur; Adhuc non admittitur Appellatio, in causa pro vulneribus, pro taxa capitis plebeji; pro extraditione Subditi; pro decimis liquidi juris. in causa injuriarum Terrestrium, pro taxa 500. floren. & spolio similis taxae. vide Const. 1670. fol. 21. tit. o Appellacyach.

Sunt etiam causae quorum decisio Judicio Tribunalitio tantum competit; & quae omissa primâ instantiâ ad Tribunal, sine metu poenarum evocationis, trahi possunt. Quarum nonnullas hòc locò recensere juvat, scilicet, Causae fisci & raptus. Const. 1638. fol. 31. tit. de evocatione. Causae recentis criminis. Const. 1678. fol. 10. Causae Nobilitatis falsò arrogatae, & Ignobilitatis temerè objectae, Const. 1589. fol. 517. 1667. fol. 14. Evocantur ad Tribunal plebeji stemmata Nobilium usurpantes; & Nobiles qui plebejos ad stemma admittunt. Const. 1633. fol. 33. Falsarii moneta. Const. 1607. fol. 839. 1611. fol. 12. Pro iniquè extorto teloneo, & impedito libero decursu fluvii Rehda dicti, in Districtu Pucensi forum est Tribunal Petricoviense. Const. 1667. fol. 21. vide etiam Const. 1601. fol. 737. tit. o clech na rzekach portowych, Officium Castrense pro non

adimpleta sessione Turris in causa homicidii, agit in Tribunali ex Officio. Const. 1588. fol. 463. Corruptens corruptum rectè ad Tribunal citat. idem cum Nuntio Terrestri corrupto. Const. 1699. fol. 35. Depactatores in Cancellaria Actorum. Const. 1647. fol. 38. 1726. fol. 36. Ad Tribunal citari possunt Capitanei in Districtu in quo jus dicunt impositi; & qui duos Capitaneatus cum jurisdictione habent. Const. 1562. fol. 23. 1613. fol. 33. item Decreta Tribun. exequi nolentes. Const. 1589. fol. 543. Etiam in Prussia cum Palatinis exequi recusantibus forum est Tribunal, Jus Corr. Tit. hoc art. 55. Similiter pro non administrata justitia & cum negligentibus Officialibus, ac Judicibus gravaminosis. Pro falsificatione Actorum. Pro bonis Terrestribus, & fundis Civium per Testamentum in favorem Spiritualium alienatis, vel oneratis, forum est Tribunal, Const. 1676. fol. 33. Violatores securitatis Senatorum, Nunciorum Terrestrium ibidem conveniri debent. Const. 1667. fol. 6. Item Violatores securitatis Judicum Deputatorum. Const. 1670. fol. 22. Item Milites in Criminalibus & contra Disciplinam lege præscriptam agentes Const. 1717. Extranei bona Terrestria in Regno vel in Prussia aut dignitates & Officia habentes ad Tribunal citantur. Const. 1589. fol. 515. 1601. fol. 743. 1607. fol. 831. Cause Arianismi, Apostasie, Judaismi, Atheismi, Hæresis, & Fautoratûs, item Blasphemie, Sacrilegii, violentie vel ob sanguinolationis in Ecclesia vel Cemiterio, notorieque Divini Nominis lisionis ad Tribunal spectant. vide Const. 1662. fol. 1. 1670. fol. 19. 1685. fol. 20. 1726. fol. 32. Actio pro cassandis inscriptionibus, resignationibus, & Testamentis &c. in Regno rectè ad Tribunal institui potest; etiam in Prussia vacante Judicio Terrestri. Cause expulsionis passim ad Tribunal trahuntur.

Actor vel Citatus, cui denegata est Appellatio, de proseguenda eadem statim protestatur. Qua protestatione ad finem Decreti connotata, Pars proseguens, Judicium ad videndum Appellationem admissibilem fuisse,

declarari, adicitur: Const. 1588. fol. 481. Partem verò pro melioratione Decreti: quod, si in Tribunali immutetur, Judicis honori nihil obest. Herb. fol. 209. Const. 1726. fol. 42. nisi in causis ubi manifestum gravamen, partialitas & favor apparuerit, vide Const. eand. in hoc casu Pars non modò de proseguenda appellatione, sed & de gravamine potestatur.

Judex Appellationi deferens, Partibus terminum in quatuor septimanis ad comparandum coram Tribunali præfigit.

Etiam in Citationibus ad Tribunal extraditis, terminus quatuor septimanarum assignatur, sub nullitate condemnationis. Const. 1670. fol. 22. qui tamen ab Actu relationis quam Ministerialis recognovit, computando, constituitur. De Appellatione in accessorio vide infra art. 47.

45. Appellationes autem à Causis Judicii Terrestris, antequam Judicium ex loco Judicii eadem die recedat, fient indifferenter ad Conventum generalem (a) Terrarum Prussiae, vel ad Tribunal Regni, (b) quod prius horum celebratum fuerit,

(a) *Judicia Conventus Generalis Terrarum Prussiae jam penitus abolita esse, notatum. Tit. hoc art. 6.*

(b) *Nobilitas Prussiae Tribunali Petricoviensi submitit se, salvo regressu ad Judicia Post-Curialia Regis. vide Const. 1589. fol. 514. Locus & dies Electionis Judicum Deputatorum ibidem constituitur. Ne Tribunal Petricoviense in pænis, ultra quàm in Jure Correcto & Statutis præscribuntur, excedat, cavetur, ac ut in causis decidendis Juribus & consuetudinibus Terrarum Prussiae omnino insistat, injungitur, vide ibidem & Const. 1638. fol. 40.*

Cadentia Regestri Terrarum Prussiae a die 1. Mensis Martii incipit, ad Dominicam Palmarum continuando; sequente tamen Anno Regestrum Causarum Prussicarum vacat, cum eodem tempore cause Palatinatum Brestensis, & Junivladislaviensis expediuntur, vide Const. 1726. fol. 35.

46. Quisquis à Judicio Terrestri appellaverit; tres Marcas Judicio deponere tenebitur: Si verò à Conventu Generali Terrarum Prussiæ, tres florenos per triginta grossos, qui, si Appellans in superiori Judicio succubuerit, in usum Judicii cedant; si causam obtinuerit, ei restituantur sub poena.

Deposito 3. Marcarum jam non est in usu.

Vide Statutum SIGISMUNDI An. 1523. apud Herb. fol. 394.

47 Non modò autem ab ultimis sententiis definitivis permitti Appellatio debet, verùm ab aliis etiam, quæcunque gravius aliquod præjudicium Parti adferre possent; ab Accessoriis (a) verò & Interlocutoriis, vim definitivæ sententiæ non habentibus, ut quæ terminum saltem aut citationem, sine ipsius Causæ amissione, proferant, aut aliàs grave aliquod præjudicium Parti non afferentibus, tum omnibus, à quibus directè in Jure hoc Appellatio remota est, nulla Appellatio admittenda est.

(a) *Ab Accessoriis quæ non important perpetuam amissionem principalis causæ, sed tantum amissionem termini, aut libertatem à citatione appellatio non admittitur. Ab accessoriis verò lucrum vel amissionem negotii afferentibus, appellationem admitti debere, statuit SIGISMUNDUS An. 1543. vide Herb. fol. 5. idem habet Const. An. 1557. fol. 10. §. aby tym &c. 1588. fol. 481. tit. de accessoriis & An. 1670 fol. 21. tit. o Appellacyach.*

Citatus ab Accessorio appellans, appellationem deferere non potest, Actorem nova Citationem in jus vocando. Const. 1588. tit. Prosecutio &c.

48. Si quis ex possessione fundi alicujus sive foeminae, dotem in bonis aliquibus inscriptam habentem, sive quemcunque alium, bonorumque quorumcunque, vi aut aliò quòcunque modò expulerit, ad Officium Palatini loci duabus septimanis ante Terminum Citatione posita in jus vocatus, primum Terminum peremptorium habebit. Palatinus autem inquisitione de expulsi-
De spolio ante omnia restituendo.
 one cognoscet. Ac si quidem ex possessione ejectum aut motum cum esse apparuerit, nulla de proprietate & dominio cognitione, aut ullis aliis Exceptionibus admissis, sed iis ad ordinarium Judicium Terrestre, aut forum competens rejectis nulla morà interposità spoliatum pristinae possessioni restituet, Appellatione tamen directè ad Regni Tribunal salva inter Causas Officii cognoscenda.

Quomodò expulsi in bona restituendi, docet Statutum SIGISMUNDI

An. 1543. apud Herb. fol. 364. cum art. præsente conveniens: Quod, Constitutio An. 1699. fol. 34. quamvis in toto reassumat, nihilominus pro lege perpetua haberi vult; ut Causæ Expulsionum, in omni Judicio majoris & minoris Subsellis, à sola duntaxat reinductione in bona incipiantur, & Expulsores pœna Turris, cum refusione damnorum, non intrando in cognitionem jurium, & decisionem causæ sine quavis inquisitione puniantur. Statutum verò ad quod Constitutio hæc provocat, jubet, ut Officium Castrense ex controversia Partium descendendo, in illa bona scrutinium seu inquisitionem, à Vicinis illis bonis adjacentibus, facere, & testimonia ab eis, sub onere conscientiae, & bona fide Nobili, à Kmetthonibus autem illorum Bonorum sub corporali juramento, inquireat de hac expulsionem, si ita facta sit, nec ne: *auditisque testi-*

testimoniis sententiam ferat; Actorem pro damnis ad Judicium Terrestre remittendo. Imò adhuc dilationem ad munimenta specifica idem Statutum concedit. Ultima Constitutione An. 1726. Grodnæ facta fol. 46., eadem Lex Anni 1699. de expulsionibus lata, approbatur, & ut ad literam observetur, sub nullitate Decretorum ordinatur. Abusus verò Legis hujus, sub pœnis duplicatis interdicatur.

Causis expulsionum Regestrum seorsivum quâlibet feriâ quintâ acclamandum constituitur An. 1611. fol. 13. Per Constit. 1699. Regestrum incarcerationum actu in vinculis Petricoviæ degentium, assignatum habuere. Tandem ubi An. 1726. multitudo Regestrorum abrogatur, iterum seorsivum Regestrum quâlibet feriâ quartâ & quintâ, ante alias omnes causas acclamandum, causæ expulsionum sortitæ sunt.

De Li-
ris im-
pensis.

49. Ad audaciam verò temerè litigantium còercendam in Civilibus Causis victus, victore id postulante, in litis expensas semper condemnetur. Quamprimùm igitur ultima definitiva Sententia à superiore Judice prolata fuerit, aut etiam ab inferiore, si ab ea Pars non appellârit, aut appellationem postea deseruerit, victor partem victam ad Judicium vel Terrestre vel Palatinale, in utro nimirùm Causa primùm agitata fuerit, ad impensas præstandas citare poterit; quod cùm fecerit, Judicium omnes expensas in litem per victorem computatas, qualia sunt justa impendia Procuratorum, itinerum, & quæ Actoris monumentis doceri poterunt, pro conscientia sua, perso-
narum, temporum, & causarum ratione habita; ex æquo & bono, optima fide examinabit moderabiturque. Qua æstimatione à Judice interposita, si æstimatio ea tri-
ginta Florenorum Ungaricalium valorem excedat, pe-
titor

titor juramento suo corporali, quòd videlicet in litem eam cum Patre non minùs expenderit, nec expendere potuerit, æstimationem eam confirmabit: Si valorem eum æstimatio non exceſſerit, aut ſi exceſſerit, petitor tamen triginta Aureis contentus eſſe malit, quàm in majorem Summam juramentum præſtare quamcunque Summam à Judice æſtimatam victor vel juramento comprobàrit, vel ſi triginta Aureorum aut minori ſteterit, in eam victus in inſtanti condemnabitur, neque à moderatione hujusmodi Judicis ulli Parti, ne expenſæ expenſis augeantur, appellatio permittetur.

Perſonæ litigioſæ, perſonalibus pœnis, & reſuſione litis expenſarum, merè juridicarum, prævio moderamine Judicii, ante comprobationem juratoriam Partis, puniuntur. Conſt. 1726. fol. 43. §. Zagęſciły ſię &c. vide Statutum An. 1523. in Herb. fol. 394. & Conſt. 1565. fol. 100. o rzeczach ktore &c.

50. Si fidejuſſor litis expenſarum nomine (a) interceſſerit ad ſpecificationem, ſeu æſtimationem addicabitur; cùmque per judicium æſtimatæ, juratumque à Parte in eas fuerit, aut ſi non majores triginta Aureis fuerint, ſine juramento ex moderatione Judicis à Parte acceptæ, fidejuſſor à judicio non recedendo ſolvere eas tenebitur, nullaque omnino dilatio, ad conveniendum ſuum Principalem, aut ad eundem ſtatuendum, ei concedetur. Quòd ſi nomine expenſarum citatus non comparuerit, quascunque in Citationem expenſas Actor poſuerit, ex abſque ulla moderatione & juramen-

to à Judice ei decerni debebunt, proque Executione rei judicatæ ad Officium competens remitti.

Vide Tit. hōc, art. 24.

51. In quacunque Causa, quæ Judicio vel superioris instantiæ, vel etiam inferioris definita fuerit, si ab ea appellatum non fuerit, aut appellationem interpositam desertam (a) fuisse, Decreto judicatum fuerit, victus Decreto Judicis satisfaciet in spacio duarum septimanarum à tempore latæ sententiæ, sub pœna quinquaginta Aureorum Ungaricorum (b) Parti præstandâ, nisi fortè talis res sit, quam secundùm Jus & obligationem suam à judicio non recedendo præstare debet: tum enim in instanti satisfacere decreto debebit. In aliis autem si intra duas septimanas Decreto non satisfecerit, per duos Nobiles & Præconem, qui in ipsa ultima sententia definitiva semper addi Parti à Judicio debent, tam ejus nomine, quod ex judicato præstare debet, quàm pœnæ quinquaginta Aureorum, Intromissio (c) in bona ejus victori detur, liberaque possessio ei tradatur, quem non priùs victor dimittere tenebitur, quàm & pro judicato & pœna satisfactum illi fuerit.

(a) *Appellatio intra annum & sex septimanas prosequenda est.*

(b) *In causis executionis rei judicatæ Prusicis pœna 50 Aureorum Ungar. etiam in Judicio Tribunalitio pro contraventione decerni debet. In Causis verò simplicibus, & ex cruda citatione pœna 3. Marc. Const. 1633, fol. 60, tit. o pœnach. Hinc in causis Prusicis*

non deberet annecti pœna 14. Marc. de qua vide Const. 1726. fol. 29. §. Luita simplex &c.

- (c) *Pœna 50. Aureorum Ungar. quæ olim pro contraventione decerni solebat, & in qua per duos Nobiles & Ministerialem intromissio in bona affectabatur, jam exolevit. Nec jam pœna 50. Aureorum, sed pœna Banitionis, circa manifestationem, in termino satisfactorio, in casu contraventionis, publicanda, interponitur. De cuius condemnationis executione, vide infra Tit. hœc, art. 53.*

52. Si intromissionem in bona non admiserit; (a) Executio rei judicatæ ad Officium Palatini loci (b) deferretur, Reusque ad Officium Palatini intra terminum duarum septimanarum citabitur; in termino eo nullas dilationes, exceptiones, legalia impedimenta, appellationes, aut quascunque alias Exceptiones admittet, nisi post latum Decretum, quod executioni demandatum erat, transactionem, liberationem seu quietationem, vel ipsius victoris; vel ex Actis aliquibus Authenticis, ex quibus Parti satisfactum esse constare possit, opposuerit, vel in termino ipso judicatum solvat; tum enim omnino executio cessabit, aut si contra ea nihilominus Executionem Palatinus extenderit, Appellatio Parti ad Tribunal Regni libera erit.

- (a) *Citatus per Judicium Terrestre in pœna 50. condemnatus, & qui intromissionem non admisit, pro facienda ulteriori executione ad Officium Palatini citari solebat. Quod jam cum pœna 50. non est in usu. vide art. sequ.*

- (b) *Decreta, in Terris Prussiæ, tantum Palatini Terrarum Prussiæ & eorum Officia exequi debent. vide Const. 1678, fol. 27. vigore cujus*

Extra-Provincialia Officia prohibentur Executiones peragere, sub nullitate eorundem, & pœna 500. Marc. Nisi cum Palatini exequi recusant, aut ordinario juris processu convicti sunt. adde etiam vacantibus Officiis Castrensibus Terrarum Prusiae, ut proximè fuit.

In quo Casu executionem denegare possunt. vide infra Art. 55.

53. Si nihil eorum præstiterit aut docuerit, Palatinus aut Vice-Palatinus executionem realem in bonis victi faciendam decernet, intraque duas septimanas Officium ad bona Jure victi, victori autoritate brachii Regalis & Officii sui Palatinalis tradenda, mittet, simul verò etiam pœnam à Judicio interpositam commissam decernet, aliamque ipse duplo majorem, & pœnam Proscriptionis, si Executioni se opposuerit: Cujus pœna, uti prioris, itidem, nisi Executioni paruerit, dimidia pars Officio Palatinali, reliqua Victori cedit: atque ad pœnas eas dependendas terminum aliarum duarum septimanarum præfiget, in quo, nullis omninò Exceptionibus aut dilationibus admissis, ut quibus in primo Executionis termino uti Reus debuerat, eum proscribet,

Citatus (ut art. præced. habet) pro facienda ulteriori executione ad Officium Palatini, cum statim Decreto Judicii Terrestris non satisfaceret, vel ei quietationem non opponeret, in pœna 100. Aureorum Ungar condemnabatur, & ad capiendam possessionem bonorum in negotio principali, in pœna 50. Aureorum, ac pœna 100. Burgrabius Castrensis mittebatur. Cujus executio si impugnaretur. Citabatur Pars, ad audiendam penam Banitionis decerni, & publicari. Hodie verò Processus hic, articulis præcedentibus descriptus immu-

tatus videtur. Non enim poena 50 sed bannitionis (ut supra ad art. 51. dictum est) circa Decretum, in casu contraventionis publicandæ, interponitur. Quâ publicatâ, Officium Castrense Executionem finalem peragit; & bona, si executio fortiter, aut Juribus, processu prioribus vel posterioribus, non impugnatur. Partis Jurevincenti iradit. vide Const. 1726. fol. 43. §. Exekucye Dekretow.

Sunt tamen, qui post bannitionem vigore Decreti Terrestris sive Castrensis publicatam, bona tradi non posse, putant. Sedcûm Constitutionis allegatæ verba sunt: a in re judicata za pierwszą kondemnataz dubium id in jure fundari, non satis video: quandoquidem Decretum Terrestre à quo non appellatum, vel appellatio intermissa est, transit in rem judicatam.

De interstitio post publicatam banitionem servando, antequam executio fiat. vide art. sequ.

De processu in contumaciam. vide art. 55.

54. Ita proscriptus duodecim septimanarum spatium habebit, à tempore Proscriptionis computandum, intra quod cum Parte vel componere, vel satisfacere ei possit; intereaque locum in Judicio standi, bona sua vendendi, de iis disponendi, facultatem habebit, non tamen in fraudem victoris, sed satisfaciendi ei caula: Si interim cum victore composuerit, aut ei satisfecerit, quietatione ejus Authenticâ exhibitâ ex Cancellaria Regia, relatio bannitionis (a) dari ei debebit, illeque in integrum restituetur.

(a) Sublevatio Bannitionis & processûs per Tribunal approbati dari non debet. Const. 1588. fol. 468. De sublevationibus, relaxationibus

bus ac Literis salvi Conductus contra Decreta non extradendis, vide Const. 1641. fol. 12. Const. 1667. fol. 6. &c.

De Citatione ad cassandam vide art. sequ.

55. Si nè intra illud quidem tempus Proscriptione modò supra demonstratò se exemerit, Palatinus ad instantiam victoris mox post duodecim septimanas, Nobilitate omnibusque bona Terrestria possidentibus in Palatinatu suo, cæterisque incolis convocatis, ad Jure victum ac proscriptum capiendum bonisque expellendum proficisci, eademque victori tradere (a) debet. Tenentur autem omnes & singuli ad Executionem faciendam à Palatino legitimè evocati, (b) sub pæna quinquaginta Aureorum, ei adesse, de qua Terminum in Tribunali Regni habebunt; quam quidem Executionem Palatinus (c) & Officium ipsius si modo superscripto facere non curaverit, primà vice pœnà Centum Aureorum, quinquaginta Tribunali Regni, & quinquaginta Parti committendorum, mulctabitur; secunda vice ad refusionem damnorum à Judicio moderandorum, & juramento Partis comprobandorum, condemnabitur.

(a) *Post publicatam Bannitionem vigore Decreti cui contraventum est fit executio finalis & ultimaria scilicet cum traditione Bonorum Partis citata. vide supra art. 53. tit. hòc.*

In causis verò, in quibus nullum adhuc Decretum prolatum est. Bona convicta in re & summa liquida ex tertia condemnatione in contumaciam super Jurevicta Parte obtenta tradi debere, vide

Const.

Const. 1726. *Utrum verò hæ Condemnationes in Judicio inferioris instantiæ, omnes obtineri debeant, Lex allegata non præscribit.*

Qui verò causè procedere volunt: sequenti modo, processum in Contumaciam citati, in omnibus terminis, disparentis, in Judicio Terrestris & Castrensi in Prussia instituant, & prosequantur.

In causa videlicet, quæ terminum peremptorium non habet, pænâ Contumaciæ super Citato, in termino ex prima citatione, obtentâ; ad sequentem cadentiam Judiciorum, secundò post obtentam contumaciæ pœnam, citant; & contra non comparentem Citatum Decretum contentis citationis conveniens dictant: e. g. Si pro debito actio instituitur. Sic Citatum condemnant. In Contumaciam Lucrum solutionis summæ pro qua res est cum provisionibus in instanti sub pœna Banitionis quæ decernitur. Ministerialis ad publicandam additur. Et causa pro executione ad Palatinum Loci remittitur. Quod Decretum (ut supra Tit. hœc, art. 17. notatum est) Judex infra inscriptionem causæ in registro annotat, ad iteratam acclamationem per Partem citatam arrestandum. Si autem Lucrum hoc, seu Decretum contumaciale ante occasum solis non arreæstetur. Actor interpositam Banitionem voce Præconis publicari facit, & post 12. septimanas à Burgrabio Castrensi vel Subdelegato jurato executionem petit. Qui convocata nomine Palatini (quamvis id circa ultimariam executionem tantum fieri debere articulus præsens jubet) Districtus illius, in quo bona Citati consistunt, Nobilitate: ad bona veniens, ante portam Curia quam oclusam invenit, subsistit; Jurisdictionisque suæ foundatione, ac Partium acclamatione demandata: duos Nobiles cum Ministeriali ad intromittendum Actorem in bona deputat. Quam intromissionem Citatus non admittit, opponendo citationem ad cassandum, vel aliud quodvis documentum. Hæc impugnatio sive per ipsummet Citatum, sive per subordinatum fiat, per Exequentem fideliter annotatur, & fit Remissio Causæ, Partium, ac Impugnatoris ad Judicium pro ulteriori cognitione.

In termino itaque ex remissione ab Officio executoriali in Judicio incidenti, Actor Citatum (contra quem se inscribi curavit) acclamari facit; & in Contumaciam Decretum ulterioris executionis, per Palatinum Loci, seu ejus Officium, non attentis impugnationibus peragenda, cum publicatione Banitionis ratione impugnatae anterioris executionis, obtinet. Nec jam expectatō 12. septimanarum terminō. Burgrabium vel Subdelegatum conducit; Qui prævis Literis universalibus, postquam ad Bona pervenit; easdem, quas & in primo Executionis actu, solennitates præmittit, attentaque Partis jurevictæ impugnatione ad Tribunal Petricovienſe remittit, conservando terminum peremptorium.

Ubi tandem in termino conservato, & ex Remissione, in contumaciam Citati, Decretum ultimariæ sortis, finalis & indilatae executionis Actor obtinet: Quò quidem Decretō Palatino Loci sub pœnis contra negligentes Officiales sancitis mandatur: Quatenus ultimariam executionem peragendo, Jurevincenti, bona jurevictæ Partis in possessionem tradat.

Hanc itaque tertiam Condemnationem sequitur traditio bonorum, quam Officium Palatini, seu Burgrabius non attentis impugnationibus, literis salvi Conductus, Juriumque quorumvis oppositionibus peragit. Si tamen Jura aliqua, processu priora, in termino faciendæ executionis producantur, Officium à traditione abstinet & Causam ad Tribunal remittit Const. 1726. §. exekucye Dekretow.

Executiones ultimariæ, post latum Decretum, Citatione de noviter repertis documentis impediuntur.

Nota. Quòd si Executio prima vel secunda impugnetur relatione Citationis pro cassanda Bannitione, ad Tribunal edita; Sic ulterior Causæ decisio per Officium executoriali ad Tribunal remittitur. Ultimaria verò Executio post latum Decretum, vel tertiam condemnationem, Citatione ad cassandam non impeditur.

Citatio ad cassandam Bannitionem, antequam 12. septimana post publicationem elabatur, exportari debet : cujus deinde relationem per Ministerialem factam, Actor cassandæ coram Actis personaliter comparens, uti jussu, scitu, & mandato suo factam, approbat Const. 1616. fol. 7. & 1726. fol. 39. §. Actor cassandæ &c.

(b) *Nobilitas ad cogendum Jurevictum Literis universalibus Palatini convocatur. vide Const. 1726. ubi de impugnatione armata. Vigore cujus Contumaces & Furi rebelles ad satisfaciendum Decreto manus foris cogi, atque pœnis pecuniariis, sessioneque Turris per 4. septimanas, plecti debent. Vide etiam in Processu Judic. SIGISMUNDI apud Herb. fol. 329.*

(c) *Executionem in Terris Prussiæ Palatinis incumbere, notatum ad art. 52. Tit. hoc. Qui in facienda executione remisit pœna 50. Aureorum Hungar. puniebantur. vide Const. Terrarum Prussiæ inter Jura Fundam.*

Ad Executionem Decretorum ante elapsas 12. septimanas Palatinus vel Ejus Officium, stringi non potest. nec ad executionem Decretorum in foro incompetenti latorum. Constitutiones Decreta in foro incompetenti lata, nullius momenti esse declarantes, allegantur ad art. 4. Tit. præsen. Executio Decretorum super Personis, in actuali functione alicujus Officii publici, existentibus, ad determinatam functionem suspendi debet.

56. *Nihilominus verò proscrip-tus post exitum duodecim septimanarum, sive à Palatino executio fiat, sive non, vel ab ipso victore, vel à quocunque capi, atque Officio Palatinali tradi poterit. Quod cum factum fuerit, tam diu in turri detineri ab Officio debebit, donec cum Parte transegerit, eique satisfecerit.*

Vide quæ ad sequentem articulum notantur.

57. Poterit autem capi, ubicunque inventus fuerit, præterquam in domo nobilitari, in qua sine permissu Patrisfamilias neque à privato neque ab Officio ullo capi poterit. Quòd si Dominus domûs ipse permiserit, sine injuria aut damno ullo illius fieri id debet; si non consenserit, Protestatione interposita ad Officium Palatinale citari poterit; convictus complicitatis, eidem pænæ subiacet, cui Proscriptus ipse subjectus fuit.

Cum Articulo præsentis & præcedente convenit Constit. An. 1588. fol. 466. tit. o imaniu. ita ut per Officium, itidem per Jurevincentem quoque capi, & ad Officium tradi possit, ac debeat.

58. Atque hic quidem Processus contra possessionatos servabitur; Si impossessionatus Jure victus fuerit, si quidem Fidejussor intervenit, possessionatusque is sit, in eum Executio modò supra scriptò extendetur: Si neque Reus neque Fidejussor possessionati sint ad summum intra duas septimanas aut judicatum solvere debebunt, aut Fidejussores possessionatos statuere de satisfaciendo rei judicatæ intra sex septimanas; quorum si neutrum fecerint, ad Officium Palatinale ad proscribendum citari poterunt, ac sive in termino steterint, sive non, à Palatino proscribi debebunt; cum proscripto eòdem modò procedi, quemadmodum cum possessionato proscripto, ut captus tam diu nimirum sedeat, donec Parti satisfaciat: Receptator etiam ejus, Jure receptionis ejus convictus, eadem pœna condemnatur.

Idem habet Constitutio An. 1588. fol. 465. tit. de impossessionatis. cui propter congruentiam articulus præsens Juris correcti innititur.

59. Si quis, Causâ in Judicio institutâ, aut etiam Parte citatâ, eandem intra annum & sex septimanas non prosequatur, (a) Causa cadet, eamque Præscriptione amittet; Similiter, si decretum in negotio principali obtinuerit, aut etiam ad Executionem rei judicatæ processerit, illamq; intra annum & sex menses, non Magistratûs, sed suâ negligentia, non prosecutus fuerit, Decretum id Causamque totam commemorati temporis Præscriptione amittet, neque iterum suscitare aut revocare in Judicium Causam eam poterit.

(a) *Vide* Herb. fol. 7. tit. Actor causam &c. & sequ. tit. Actor reo &c.

60. Quòd si etiam fortè Citatum se à Parte aliqua quis diceret, Citationemque ejus ad Præscriptionem objiendam proferret; Pars autem, à qua Citatio perfecta dicetur; suo scitu vel jussu eam traditam negaret, Juramento corporali de ignoratione sua præstito, Præscriptione removeri non poterit.

TITULUS VII. DE FINIBUS REGUNDIS.

I.

Qui Jure regere fines voluerit, ad Judicium Terre-
stre duabus septimanis ante Terminum Citatione
M 2 infi-

insinuata vocare Vicinum Vicinosve debet, atque æstimationem quidem in Citationem nullam ponere, sed tantummodò ad decernendum sibi ductum, sequente aut simili forma citare.

In causa pro finibus regundis etiam in Regno ad Judicium Terreſtre inſtituitur actio, à quo demum tam cum principaliter Citato, quam cum Collateralibus Causa ad campum remittitur Judiciò Succamerarii vel Ejus Officii finaliter decidenda, vide Herb. fol. 437. tit. Si citatus nec &c. & Const. 1670. fol. 21. tit. o Appellacyach.

Succamerarius in Regno, quem Nobilitas eligit, juratus est. Const. An. 1588. f. 460. etiam Cammerarii Ejus. Const. An. 1569. fol. 191. Acta Granicialia habet ut Constit. An. 1641. fol. 29. & An. 1667. fol. 28. probant.

Processus inter Possessores Bonorum in Polonia & Prussia sitorum, si aliquando controversia de limitibus accideret, ordinatur. Const. An. 1601. fol. 740. tit. o sposobie rozgraniczenia &c.

2. Qui te citat ad constituendos limites inter bona sua hæreditaria villæ N. ab unâ, & tua itidem hæreditaria villæ N. ab altera partibus, ad videndum audiendumque sibi Actori ductum decerni, vigore præsentis Citationis, ad quam judicialiter respondebis Datum, &c.

3. Alii etiam vicini, qui contiguas cum bonis iis, inter quæ Judicium Finium intercedit, possessiones haberint, atque alia ratione negotium illud eos artigerit, ad eundem Terminum unâ cum Principali, sequenti aut simili forma citationis vocari debebunt.

Idem habet Statutum, vide Herb. fol. 437. tit. contra Vicinos &c.

Parochi subditos & pradia exdivisa non habentes, sed tantum in decimis & pensionibus fundati, in causis graniciorum cum hæredibus se ingerere non debent. Const. An. 1607. fol. 835. tit. Duchowñi w koronie.

4. Citat vos ad demonstrandum parietem vestrum, si quem vos habere prætenditis villæ suæ hæreditati ipsius N. contiguum, quæ bona sua hæreditaria commemoratus N. discernere & dislimitari vult, limitibus signisque metalibus cum bonis N. Nobilis N. hæreditariis, ad quos limites constituendos citavit commemoratum N. tanquam principalem, & vos adcitatur tanquam Collaterales, ut ductum sibi Actori agnoscatis, vel eundem ductum Judicio contra commemoratum Principalem, & vos tanquam Collaterales, sibi decerni audiatis, ad præmissa judicialiter responsuri.

5. Si Citatus in primo Terminò non comparuerit, simplicis contumaciæ tantum condemnatur.

Idem habet Statutum ad art. I. allegatum.

6. Si nè in secundo quidem Terminò peremptorio comparuerit, ductus Actori decernatur, & in campum mittatur.

In Regno obtentâ Contumaciâ in secundo terminò, causa per Judicium Terrestre ad campum seu Succamerarium cum adjudicatione actoratus remittitur.

7. Quò Decretò interpositò, Judex cum duobus Scabinis à Judicio ad id deputatis, in campum cum Actore ad ductum ejus exequendum descendet; vel si Judex ob valetudinem, vel aliqua alia impedimenta, adesse

se non possit, Scabinus prior vel sequens vices ejus obibit.

8. Priùs autem sequente aut simili forma innotescentiæ quatuor septimanarum termino præstituto, Rerum ad Executionem citabuntur;

9. Mandamus tibi, ut coram nobis, tanquam à Judicio Deputatis feriâ secundâ post festum S. N. nunc instans proximâ, in loco campestri, inter bona hæreditaria Nobilis N. dicta N. & tua itidem hæreditaria dicta N. in quo videlicet commemoratus N. Actor Nos collocabit, compareas ad attentandum & videndum, nos ab ipso duci, juxtaque ductum eum fines & limites ab illo regi & constitui scopulis excitatis, aliisque signis metalibus constitutis, Juramentumque ab eo & Testibus præstari tanquam Actore, in veram & justam constitutionem limitum ductumque, quemadmodum commemoratum ductum in Judicio Terrestri, in terminis præteritis, contra te obtinuit; ad quam Executionem ejus à Judicio Terrestri deputati sumus, præmissa judicialiter attentaturi.

10. Eadem ferè forma juxta modum superiùs descriptum Collaterales etiam adcitabuntur.

11. In termino hoc Actor ducet judicium pro arbitrio conscientiaque sua: Deputati verò à Judicio, itidem pro conscientia & Juramento suo, vel approbabunt ductum, vel, si nimis modum æquitatis Actorem excedere, ex attestationibus atque monumentis animadverterint,

terint, moderabuntur, limitesque scopulis excitatis, aliisque signis metalibus constituent, Appellatione, (a) ad superius Judicium utrique Parti salva relicta.

(a) *A Remissione ad campum quæ per Judicium Terreſtre, in Regno, fieri debet, Appellatio non admittitur; ſed à definitiva ſententia Succamerarii vel ejus Officii admitti debet, vide Conſt. 1670. quæ ad art. 1. allegatur.*

12. Ductu finito circa finalem & acialem scopulum jurabit Actor Actoresve cum Subditis, quos Deputati à Judicio delegerint, in veram & juſtam limitationem, quodque nihil ſoli proprietatisve ipſius, Citato ademerit, aut ab illo alienarit.

Vide Statutum in Herb. fol. 439 tit. Porrò ſi condemnatus &c. ubi circa ultimum & acialem scopulum Actor jurat cum Teſtibus, non obſtante abſentia Citati.

13. Quòd ſi in Terminò eo Citatus Citative in rem præſentem non venerint, contumaceſve fuerint, nihilominus Judicium tenebitur Actorem ſequi, finesque ſecundùm ductum ipſius regere, ita nimirum, ut non obſtante abſentia Citati; in ipſius Judicii præſentia nihilominus Actor, quemadmodum ſupra oſenſum eſt, circa ultimum & acialem scopulum, ſupra commemoratum juramentum præſtet. Qui quidem limites eò, quòd demonſtratum eſt, modò conſtituti, & juramentò Actoris confirmati, durabunt & ſervabuntur.

14. Si ex conſenſu vel controverſià Partium, in rem præſentem remiſſio fiet, Citatio talis edetur:

15. Nos N. N. Judex & Scabini à Judicio N. delegati, tibi Nobili N. hæredi in N. Regio & Officii nostri vigore mandamus, ut coram Nobis in loco campæstri finitimo inter bona hæreditaria N. Nobilis N. in N. tanquam Actoris ab una, & tua itidem hæreditaria N. ab altera partibus, feriâ N. post festum N. ad instantiam præfati N. Actoris personaliter & peremptoriè compareas, qui te citat in campum & rem præsentem, ex remissione Judicii Terrestris ad Nos, ad limites inter bona N. ipsius Actoris hæreditaria, & N. bona itidem hæreditaria tua, constituendos, atque audiendum & videndum, alterutri vestrum, aut alioqui ipsi Actori ductum decerni, juxta Citationem ipsius Actoris, remissionemque Judicii Terrestris, secundumque limitationem commemoratam bonorum, quam judicialiter attentabis.

16. Simili ferè Citationem, verbis ad rem & personas eorum accommodatis, Collaterales adcitabuntur.

17. Quòd si Citatus in aliquo horum termino, aliquo legali impedimento retentus, aut etiam Citationis ignorance non comparuerit, eodẽ modò de restitutione in integrum agere, legaleque impedimentum, aut ignorantiam probare, tandemque restitutionem obtinere poterit.

In causa ad campum remissa, Citatus infirmitate se excusare potest, & Dilationem pro majori petere. Herb. fol. 439.

18. Cùm in rem præsentem ventum fuerit, Judicium ad limites constituendos delegatum, ei, qui evidentiora signa demonstrabit, ductum adjudicabit.

19.

19. Itaque si alteruter ex litigantibus, vel certa literarum documenta, vel ad minus tres scopulos, seu tumulos, aggeres, si-
gnave notabilia in campo, in sylvis verò cruces in arboribus le-
gitimè limitum causâ incitas, & testimonio (a) sufficienti com-
probatas, aliaque probabilia limitum indicia demonstrârît, sub
conscientia sua ei ductum adjudicabunt. Si utraque Pars signa
sua habeat, ei, qui plura & notabiliora; si neutra, tum si quis
fluvius aut rivus (b) utramque possessionem distinguat, naturalis
inter eas limes erit, utque pro limite observetur, decernent. Qui
quidem fluvius sive rivus si naturaliter sine ullo hominis ministe-
rio alveum commutârît, aliove meatum suum diverterit, nihilo-
minus primævus alveus, per quem ante aqua decurrit, verus limes
hæreditatum illarum erit.

(a) *Testes in causa limitum quàmvis nobiles sint, jurati esse debent, sub
nullitate testimonii.* Const. 1670. fol. 29.

(b) *Vide Statutum CASIMIRI M. apud Herb. fol. 439. cum
hoc art. conveniens.*

20. Si neutra Pars signa notabiliora habeat, neque rivus
aliquis aut fluvius intercedat. Qui ad minimum per decennium
in pacifica possessione se fuisse docere poterit, ei ductus decerne-
tur; Si nè de possessione quidem constare possit, à Judicio De-
putati, pro conscientia sua, vel Actorem vel Citatum, moderatio-
ne adhibita, ad ductum & juramentum, si necessarium judicave-
rint, quemadmodum statutum est, admittent.

*In Regno, ubi utraque Pars signis notabilibus inter hæreditates caret;
Actor ad probationem limitum cum Testibus admittitur.* Herb. fol.
440. tit. Præterea cum &c.

21. Si fortè contra hæc Judicium ad limitationem deputa-
tum aliquid decreverit, Parti gravatam se existimanti ad Consi-
liarios Terrarum Prussiæ, (a) vel Tribunal Regni, indifferenter

appellare (b) liberum erit: Unde deinde ad illud idem Judicium pro Executione remittetur.

(a) *De Appellationibus quòd jam ad Tribunal Petricoviense tantum fiant, vide tit. præced. art. 6. & 45.*

(b) *Vide supra Tit. hóc, art. 11.*

22. Limites ita constitutos, tum totius ductûs seriem scriptam & consignatam Partibus postulantibus idem Judicium edet. Præterea verò ad perpetuam rei memoriam in terminis Terrestribus in Acta Terrestria referendam Pars alterutra curabit.

In Regno Succamerarius Acta granicalia habet ut art. 1, notatum.

Vide Herb. fol. 441. tit. Postremò.

23. A singulis integris bonorum limitationibus, tot nimirum, quot fecerint, etsi uno die plures fecerint, ultra alimenta quinque florenos Pars, quæ ductum obtinuerit, Judicio, seu, qui à Judicio deputati fuerint, dare tenebitur.

Succamerarii cum Cammerariis non plus quàm 3. Marcas pro granicibus limitatis accipiunt. Herb. fol. 441. tit. sed jam &c.

24. Si quis tumulos vel veteris vel nuper judicialiter constitutos, vel alia signa metalia, seu integra, vel ex parte aliqua disjecerit, exciderit, corruperitve, terminum in Judicio Terrestris habebit. Ex Actoris & Citati controversiis, absque quavis mora & dilatione de medio sui duos Scabinos ad indagandam rei veritatem, Partibus termino constituto, in campum mittet. Et si compertum sit, limitem temerè violatum corruptumve esse, ibidem in instanti præsentibus Scabinis violatum limitem Citatus restaurabit. Ratione verò poenæ quinquaginta Aureorum in Judicio Terrestris in primis terminis terrestribus conservatum terminum peremptorium habebit.

25. Iisdem poenis tenebitur, qui privatim sine auctoritate Judicii limites signaque aliqua limitanea crexerit, constituerit, faceritve. Quarum poenarum nomine eodem omnino modò, quem-

quemadmodum contra legitimi termini motorem, contra eum procedetur.

Si plures unius possessionis Domini fuerint, interque eos minores aliqui essent, nihilominus æquè Judicium ad limitationem procedat, minorennitate aliquorum non obstante.

Idem statuit SIGISMUNDUS An. 1523. Reservatur tamen Minorenibus, cum ad annos discretionis venerint, Actio cum illis, à quibus sibi præjudicatum fuisse suspicantur, non nisi tamen pro sorte & interesse eorum, vide Herb. fol. 261.

Contractibus, Vinculis, devolutionibus, successionibus, & bonis, quæ ex vinculis matrimoniorum cuiq; obvennerunt, & hætenus sunt vetere consuetudine firmata, salvis manentibus: Nec leges nunc susceptæ ad præsentia & præterita, sed ad futura tantum negotia, quæ post publicationem præsentis Constitutionis in sex septimanis emergent, se extendere & robur demum habere debent.

LAUDUM SREDENSE.

In Conventu Generali Palatinatum Poseniensis & Calissiensis die 16. Mensis Decembris Anno 1632. sancitum Constitutione Regni 1633. approbatum.


DE SUBDITIS PROFUGIS.

Nos Consilarii & Equites Palatinatus Poseniens. & Kalissiens. in moderno Conventu Szredens. pro die 16. Mens. Decemb. Anno præsent. 1632. congregati, perpendentes magnam desolationem & destructionem villarum nostrarum Nobilium, Ecclesiasticarum & Regiarum, quæ indè suboritur, quod Subditi à Dominis suis hæreditariis aufugiunt, & ex Villa in Villam, ex Civitate in Civitatem migrando vagantur, neque se annuis Servitiis adicere volunt, sed aliqui illorum Cubiculum apud Rusticos incolunt, aut in diem

diem aut septimanam saltem se locant, alii tugurio aut horto à Dominis in annum accepto, ubi per Annum, aliquandò etiam brevius, ibidem habitaverunt, in alias Villas migrant, alioque nullibi fixa domicilia habent, undè Villæ desolantur, Subditique depauperantur. Ideò Nos occurrendo huic desolationi laudamus, & vigore præsentis Conventus ordinamus, ut ejusmodi homines vagabundi tam mares quàm fœminæ, qui in una Villa per Annum & diutius habitârunt, ad alias Villas absque voluntate & consensu illius Domini, sub quo per Annum vitam degerunt, se non transferant, imò verò, ut quilibet Dominus & Possessor tales retinere possit, neque iisdem, ut aliò se conferant, permittat, & si forte aliquis horum fuga se subducatur, hunc talem nemo ad Villas suas aut oppida recipere debeat, quinimo eundem Domino suo extradere teneatur, sub pœna Ducenarum Marcarum pecun. Polon. quo nomine Forum habebit in Judicio Castren. sine appellatione. Dominis tamen hæreditariis liberum semper erit, nativos suos Subditos proprios repetere, secundùm Jura antiqua. Quòd verò Civitates & Oppida concernit, inhærentes Constitutioni Anni 1593. de Vagabundis sancitæ, ordinamus, ut nullus Civitatis tales homines vagabundos, annuis Servitiis non addictos fovere præsumat, sub pœna eadem 200. Marc. ad instantiam cujuscunque in Judicio Castren. sub pœna bannitionis decernenda: Imò verò tales omnes unicuique Nobili, vigore ejusdem Constitutionis Anni 1593. comprehendere, comprehensis catenas injicere, & ad labores stringere liberum erit, in quo Magistratus Civitatis ne ninem impedire debent, sub eadem pœna & Foro. Interà tamen circa personas liberas & opifices longo jam tempore in Civitatibus, Oppidis & Villis habitantes, neq; cum vagabundis & erroneis commercium habentes, easdem Civitates Oppida & Villas conservatas esse volumus. Hi vagabundi & erronei agrarias sibi impositasolvere tenebuntur. Laudumque hoc ad omnia bona Regalia, Spiritualia & Sæcularia se extendet. Adamus Albertus Przyiemski, Metator Castror. Regni Marefchallus præsen. Conventus Szrzeden.

Laudum hoc Constitutione Regni An. 1633. approbatum, etiam ad Terras Prussie, Protestantibus Civicatibus extendatur.

FINIS.



ROTANOX

2012

